



10383

破川詩續鈔卷三

許仁沐  
里人

許仁沐  
原名仁沐  
字子貞

子貞

春  
輯  
東

吳修字子修號思亭應和弟海鹽監生議叙布政司經歷

有思亭近稿一卷居易居小草三卷湖山吟嘯集一卷

吉祥居存稿四卷青霞館論畫絕句一卷

嘉定王氏鳴盛曰搜剔精工得古人窈奧脫去樞擬之  
迹刻意生新近人以搬運堆垛為能都不著痛癢每令  
閱者不耐終篇讀思亭

近作不覺老眼一明  
嘉定錢氏大昕曰思亭詩字字本色而不落生硬俚鄙  
之習此由百鍊而成繞指之候也籀翁宗派喜有嗣音  
吳江郭氏磨曰思亭精於鑒古幾乎以手摸絹可以別  
宋元明者少負雋才有神童之目為詩信筆揮灑而天

破川詩續鈔卷三

眞流露陳言腐談無從到其筆端書畫一船江湖跌宕  
意氣頗自豪新以所刻湖山吟嘯集見示皆游杭所作  
有南渡羣賢風格其題南田百花圖卷云風露先從筆  
底生百花開處任縱橫可憐一樣施朱粉別有風情畫  
不成論畫固當即以  
之論詩亦入三昧

錢唐吳氏振械曰思亭自其大父徒居海昌之破石鎮  
蓋已三世矣性敏悟十四歲已梓所為詩問世稍長盡  
交當世知名士鑒別古今字畫金石尤其精識嘗集  
國朝名人五百六十餘家手札七百通刻之石為尺牘  
鑿眞十六卷又以生平所得山舟學士手蹟三百  
餘種擇尤精者刻石為六卷名曰青霞館梁帖

仁和尚宋氏咸熙曰參軍善鑒古生不足跡半天下所到  
必有詩詩已四五刻最後有吉祥居存稿蓋十餘年來  
登臨感舊之作也

而詩愈入老境矣

紫破文獻續錄先生榕翁同母弟也喜吟詠善鑑古詩  
刻意生新搜剔精工平生刊本最多詩亦四五刻矣

蘆墟訪吳處士鵬不值



處士業縫衣  
以自給工詩

秋水漲橫塘落葉無行跡何處訪伊人一片蘆花白

花朝陳太守

延慶

招同人集西湖白公祠分賦得滿字

和風扇佳辰濃花發高館主人不速客坐上客已滿平生除  
飲酒百事無不嬾舊雨喜相值那惜倒深盃彌令談興劇况  
此人跡罕白傅應弗哂酒人例狂誕高會難屢得春晝尙苦  
短入城好踏月預約歸緩緩

余往歲於京師琉璃廠買得明崇禎時吳修字于廷山

水小卷筆意仿大癡又近文待詔惜畫譜不載其人

里居莫考以其與余同姓名也重爲裝裱而系以詩

破川詩續鈔

卷三

一

我昔歸自燕臺旁拾得古畫猶墨香雲烟滿紙邃林壑名姓  
不著誰收藏由來名重世競愛嗟爾無名何處買投之敗篋  
成棄物那堪費錢更裝背我憐與爾同姓名相見未免差有  
情裝成展玩還拂拭幽齋獨坐秋窗明人生似爾亦良苦縱  
有妙筆孰許可我今看畫行自嗟他日何人復憐我

敬書先貞肅公與祝先生

淵手牘後

要窮就窮死就死語對孛羅兒戲耳零丁洋句忍卒讀妖夢  
先聲已如此先公死節甲申春是日同難二十人前身知是  
文信國以心相印通精神孝廉祝子公舊友別公從容還酌  
酒待公授命視舍斂此事今人復誰有手書緘寄歲在壬商

略出處成初心書中猶及昔年夢此心早契劉山陰山陰家  
居旋絕粒已當失守杭州日碑文全氏孰糾非未悉師承言  
配食要窮就窮要死就死先公幼時戲作文信國對李羅語  
見公殉難書中公於念臺先生爲執友無間業之事全  
氏祖望撰子劉子祠堂配享  
門人碑乃首及公其言謬甚

阮雲臺制軍元自粵東以恩平縣新出茶阨夾綠石製

硯寄贈賦此奉謝

竹垞老史端州客曾鑿端溪下巖石黃龍舊白品各異質數  
青花美尤劇其紋內蘊致深窅宛若浮動有蘋藻陳之几案  
初不覺入水形神方了了何如茲石產茶阨紫玉夾綠看分  
明天然竹枝色蔥蒨布以翠羽搖琤琤因材成象巧磨琢儼  
當篋管圖一幅雨餘秀色殊可餐恍挹清風在淇澳六年兩  
粵公政成還於翰墨娛閒情手書鐫就煩遠寄啟匣已見光  
晶瑩此鄉寶玉人所羨依舊清貧公勿厭鬱林他日志珍重  
先覩綠雲分一片

陝川詩續鈔 卷三

二二

戊辰人日阻風斷霞口懷宋芝山學正葆淳去年今日

同舟阻風於此作江天欲雪圖見贈

此地逢人日年年慣阻風祇憐今日酒不與故人同船底晚  
流急山頭寒色籠江天看欲雪又落畫圖中

寄懷龔楚香徵君烈淮浦幕中

猶作諸侯客誰憐多病身家山應笑爾叢桂豈留人籌策頗



心力耽吟見性真一囊仍紙薄贏得髣如銀

蘇風王光祿西莊先生鳴盛以手定西泚居士詩集見示賦

一賦呈一律

白首尙孤吟陰何太苦心聲名當代重歲月一編深耽句老

成癖愛談狂不禁采蓮調卑靡慚說感知音余近製采蓮曲五首先生極賞

之

答同次韻酬蔡侍講之定都門見贈萬公

好古同成癖相逢快此生賞心矜獨得貴耳笑羣情名為清  
貧重官應去就輕來朝還造訪剝啄想歡迎

望廬山

硤州詩續鈔 卷三

四

望裏匡廬近攀躋興未乘目窮千尺雪心憶六朝僧鳥度知  
何處雲封定幾層屏風張九疊想見日初升

次古德州訪孫淵如觀察星衍

者回乘興也東游眞作平原十日留萬卷鄴侯餘蠹字卅年  
晏子尙狐裘宦情落拓憑誰識歸計蹉跎可自由經歲索居

渾不覺相逢翻惹別離愁

己巳冬日都門喜晤查南廬茂才世官

一別驚看己白頭故園還爲話前游斷橋明月西湖夜高閣

松風澈聖秋老更客懷增感慨詩應奇氣挾并幽酒腸能否

寬如昔燕市先拌鬪十甌

花朝後十日同洲羽過五畝園小飲卽訂邗上之游疊

前韻

仙廬如畫靜無囂入戶青山不用招竹徑隨廊通曲折花光  
到眼換昏朝游頻未厭清尊共坐久渾忘白晝消到及邗江  
剛上已便期修禊會紅橋

三月晦日集王簀山觀察

賡言

署齋送胡茂才之楚中

和觀察韻

落紅零亂雨霏微太息春歸我未歸長晝垂簾聊中酒薄寒  
欺客欲添衣當杯莫惜鶯花老同調應憐伴侶稀君到漢南  
還悵望昔年楊柳尙依依

硤川詩續鈔

卷三

五

旅興四首

一榻蕭然樂自如心閒隨地愛幽居整衣怕過高軒客擦眼  
愁看細字書酒漸興闌常罷飯髮憐莖短不禁梳十年舊句  
重刪定結習平生笑未除

日影潛移上藥欄曉窗孤坐惜春殘乍齊書帙繙旋亂已敗  
瓶花翦尙看好友自來閒啜茗古碑親勘樂忘餐小詩乍脫  
燈前稿急待天明覆眼觀

高樞百尺綠陰垂月到空庭與客期間好畫圖先耳熱說佳  
山水便神馳新詩已就吟還改晚食難消睡每遲深夜小齋  
猶默坐一燈花影愛紛披



冉冉時光六十過，祇贏雙髻未曾皤。著書心更年來切，入夢人驚地下多。文豈矜奇聊達意，詩原適性不求苛。偏憐獨學成孤陋，句字功誰助琢磨。

湖上卽景次梅史韻

湖岸春晴夕照微，澄波分翠上人衣。近山老樹凍猶綠，出水晚煙低不飛。風浦帆移如度鳥，詩樓客醉未扃扉。回頭已覺前巖暝，僧與白雲爭路歸。

山家南屏訪萬峯山房懷太初道人

一曲巖阿翠作堆，風流還憶謫仙才。獨聞幽鳥惜春去，尙喜野花向客開。明月幾時孤鶴返，斜暉無恙晚鐘催。憑欄今日

破川詩續鈔卷三

六

空翹首不見雲霞海上來

江行卽景

山遠人如豆，樓臺暗夕暉。分明金碧畫，尺幅李將軍。

采蓮曲

采蓮南湖濱，蓮花正鮮新。莫采團團葉，鴛鴦怕露身。歡愛蓮花紅，妾愛蓮花白。紅花紅有暈，白花淨無迹。

采蓮趁花盛，花落紅誰主。莫待花成子，成子心含苦。

易乾花上淚，不斷藕中絲。但看紅褪日，是妾背歡時。

采采及晨早，花溼留香住。郎總愛花心，儂愛花心露。

輓王太守

文治

二首

誰憐絲竹老斯人淪落文章迹詎陳腰鼓也多三百副風流  
又見武功春

書法三吳獨擅場簪花人笑鏡臺旁江湖到處留眞跡競說

香光有瓣香

宋觀察 思仁 屬題畫蝶

白髮歸來宋廣平老年渾未減風情閒來慣寫春駒影不許

滕王獨擅名

雲錦爲裳霞作衣憐渠生小戀芳菲圖成莫向花間看怕趁

東風逐隊飛

壬申除夕過淵如通奉冶城山館以新刊續古文苑見

峽川詩續鈔 卷三

七

贈

風雪他鄉又歲除問奇還過子雲居不須更築祈年觀已讀

人間未見書

雞皋訪水繪園故址和秦編修

恩復 韻

花木平泉歎劫塵我來憑弔亦前因畫圖曾識春風面半憶

才人半美人

池館蕭條影亦空填詞客去散秋風不堪重聽雲郎曲一片

荒蕪夕照中

寄杭州奚處士 岡

萬壑雲烟筆底盤使錢無孽此心安腸寬贏得朝朝醉羨爾



青山賣不完

畫筆詩情妙恰同如山過雨水微風百年程李風流歇合住

西湖替兩公

贈張船山吏部 問陶

十年問禁苑早迴翔才子聲名動 帝鄉合是峩嶼山下

至酒狂曾不減詩狂 對宋曾 對宋曾 對宋曾 對宋曾

不離文字愛逃禪買醉朝朝有俸錢為問長安車馬客幾人

冠蓋是神仙

翁閣學覃溪先生 方綱 索觀褚臨陰符經宋搨本率筆

奉簡卽請題識

硤川詩續鈔 卷三

祖本停雲或在斯叢殘收拾敢居奇一言便藉增聲價夜雨

蛟龍起墨池

鮑丈 廷博 見余所纂續疑年錄稿本亟勸并前錄付梓

走筆答之

著錄深愁難盡信讀書多愧未曾經續貂祇恐門牆玷不是

無心問汗青

瑣瑣蒲萄樹曹徵君 宗載 屬賦

肌膚皸瘃勢槎枒獨立亭亭向日斜可惜不逢溫日觀生綃

點染破袈裟

沈善字存眞號仁林維基子諸生

紫破文獻續錄仁林先生爲心齋太守季子氣清神裕  
溫厚和平非深于學者不能然謙挹殊甚不以公子自  
居也

偕曹桐石過姜氏村居訪菊卽和其韻

誰家風景似柴桑晚步探幽引興長傲骨應從塵外賞吟情  
共領澹中香分將瘦影臨前檻疊作寒雲障小堂冷落相看  
忘久坐不知何處有炎涼

來卽已卯新秋張丈仲度招同人游古南池觀荷雨後蓮亭

小飲卽事二首

興來同訪古南池不比西湖竟爽期西湖在濟甯城外二十里同人曾訂觀荷不果

太白樓前行數武濟甯南門城樓少陵城畔坐移時雨飄翠蓋浮珠

硤川詩續鈔 卷三

粒風送清香入酒卮恰喜蓮亭空四面新秋氣爽動吟思

豪氣奚辭沽十千底須挂得杖頭錢座中不辨誰爲主酒後

狂呼我欲仙碧藕分嘗清且潔青蓮剝取嫩而鮮源頭活水

來何處側耳停杯聽響泉

崇用試院偕陸國博硯齋馮太史柳東李徵君介石孫

其齡茂才春洲校文之暇柳東以春陰卽事七律索和依

韻和之

山色迷離樹色濛閒評酒量欲傾筒愁添鎖院如絲雨寒怯

簾櫳似翦風海角幾回翰墨聚冰心一片主賓同歸時好涉

園林趣柳東新構小園歸思甚切檢點花枝紫與紅



題家蘋濱吳門集後

吳門曾記舊游時，領略風光半未遺。一樣雲山晴雨裏，詩人到眼便新奇。

蘇杭名勝儘流連，好句如仙次第編。黃濱先游西湖賦詩爲河濱集君往探

幽余訪戴清談天，各片時緣。九月杪余買舟過訪蘋濱已游吳門不遇

周之翰字召封號南屏廩貢生候選訓導歷署蕭山平湖

青田石門衢州訓導

紫硤文獻續錄南屏先生家世素封學亦深沈由商籍入仁和學政歸本學食廩餼困于名場遵川楚例得授教職暮年家業漸落昔日飛揚之氣已無矣精舉子業詩無留稿茲從故紙中錄之

清理族祖偉光先生墓和韻

硤川詩續鈔 卷三

墓在故廟東首久乏祭埽侵佔無幾蔓草荒煙蕪穢不治可慨已今裔孫重爲整治鐫石樹碑植松柏以表識之

兄弟捐軀幾度秋，獨憐埋骨舊山邱。勝朝養士儒林俠，盛

世褒忠祀典優。半畝荒苔銜夕照，一坯黃土咽寒流。重題片

石標芳躅輝映睢陽梓，與楸墓與許睢陽讀書林相近

蔣楷字三益又字文隅號夢花星標弟監生有來青閣詩

詞草四卷

吳江郭氏磨曰夢花嘗以顧升山蔬果十八種索余題詞以蔣山堂所書阿彌陀經爲潤筆夢花收藏極富鑒別亦極精有讀書吟評皆輿到點筆之作唐六如林園曉起圖一詩尤工詩云雞唱玲瓏夜欲闌樹林深翠露

溥溥天留殘月遲朝旭雲與幽花護曉寒祕閣牢鉤金了鳥曲廊閒煞玉闌干有人要續鴛鴦夢不管銅壺漏

乾周氏勳懋曰夢花家素饒嗜古愛客不善治生遂中落里有義舉必玉成之聞易簪時以不建周孝廉祠不刻

錢唐吳氏振械曰夢花著有雙大醉豎只鳥不知天梧桐館詩餘生平尤精鑿賞

海鹽顧氏升誥曰老友蔣先生夢花以友朋為性命以山水為嗜欲爾今茹古夙好詩歌舊居硤山之陽拓地

數弓蒔花拜石顏其堂曰息諱四方羣展過破者咸主其家紫硤文獻續錄表兄性敏慧愛結納名流過其廬者必

歛留信宿夜分猶劇談不倦築來青閣收藏前人名蹟宋本甚多詩亦清超拔俗

許仁沐曰先生歿後其從子生沐廣文光煦為梓來青閣遺稿二卷跋云叔父生平為詩不自收拾蒐括遺編

百不及一二復汰其殘缺者裁得數十章又嘗與王君丹墀填詞倡和故長短句之作亦不下於詩云云而王

辰刻本有顧氏升誥序則詩詞各二卷視前刻不啻倍之今先生文孫子貞同與續輯之役復於敗篋中檢得

詩二卷皆未經選刊之作似當時未寓目者筆墨有靈固當不致湮沒

辛未五月中旬大雨連日水湧丈餘作此紀事

天瓢日瀉地階下水溟濛我廬本陸處忽作馮夷宮有如幻海市樓閣起空中又如槎客行行入仙蓬凡鳥不敢下開鷗相與通繞庭之幽花盡化水芙蓉天風搖窗戶或者翻蛟龍訛言欲漂沒甘語慰兒童惟有赤腳婢深厲淺揭工我是賈浪仙潭底窺吟容倏然波浪生蕩漾百蘇公泛宅此消夏定塞流向東但恐良苗死遠近妨秋農知了一聲響碧天斜

硤川詩續鈔卷三



陽紅

重游張氏涉園用雲秀山房坐雨韻

憶昔追春風轉眼秋色淨棠梨入夢遙松菊凝香冷新吟發  
桂堂舊題尋竹埂鞠躬轉空洞屏息走側嶺苔階日暗移蕉  
徑雨忽打石級上層層海鏡窺烟烟鳴禽報日午落花填樹  
影主人嬾臥雲客子自燒茗慚愧萬物備流連半日永路遠  
愁僕夫急歸天未冥

晚至安瀾園值長者停車闈人戒勿入臨溪小閣獨坐  
片時清興亦復不淺歸棹呼燈賦此

鬱鬱復葱葱望氣心先悅蓬萊幾萬重一帶銀河隔仙扁不

硤川詩續鈔

卷三

十二

敢捫闈人戒唐突樹頂夕陽紅樹底宵深碧溼雲有時來又  
作雨霎霎不聞人語響幽禽唳清越水閣坐移時心與綠波  
活波紋亦可人圓到閣邊歇欲別更逡巡清景恐飄忽歸棹  
急呼燈摹入烏絲格

西湖渡船行

對面青山接眉宇沿隄一去廿里許湖陰倒拖入山腰白雲  
蒸作空濛雨篙師來就商一葦可以杭誓不更招人勢作開  
船將墮其術中主渠作去聲扣舷肆坐安如放假意撐離一二

弓高聲喚客東西顧逡巡去復回男女僧俗相擠排視無立  
錐地放篙抽櫂船始開船重水軟櫂無力萬頃掀天水一色

屏息危坐莫敢呼人多聲亂船傾側篙師習水不識憂猶唱  
杭州水調頭忽聞水上簫鼓湧大船盪水全湖動僕夫厲色  
目斜睨高喝渡船休鑽空大船過盡波漫漫雲脚忽露殘陽  
殘半晌方能登彼岸暮山溼翠衣裳寒三竺年年禮大士願  
乞慈航遍河埃有錢纔入銷金窩無錢渡湖奈如苦海何

汲紫薇泉試新茶

山僧佞佛戒飲酒學得一雙煎茶手雷鳴日注仙人掌如意  
瓶中無不有矮鐘滿沃紫薇泉一泓澄淨涵青天微風扇火  
火欲活蟹眼魚眼分後先其聲入松秋濤卷其烟入竹秋水  
鮮初湯老湯貴細辨點時宜急不宜緩著薑下果皆水厄眞

硤川詩續鈔

卷二

十三

色眞香斯中選雨脚跳珠瀉處鳴雪花團綠空中轉我嘗好  
飲方病脾七椀怕與盧仝期有時亦學蔡忠惠碧玉一甌常  
玩之福全長老術益奇能使湯表浮新詩卻勝酒厄橫花枝

當湖

當湖之水清且泚水閣人家語音美亭臺掩映水楊中分明  
畫是趙千里漁娃十五招渡船靴紋浪細搖櫓便十杉亭好  
堪論古九點峰遙欲化煙此游澹薄亦歡樂四月剛逢避麥  
熟餅餌香傳姑嫂名攜來好佐綠雲脚晴霞一片海上明照  
我塔頂觀潮生煙光浩漫皆詩債交友闌珊閣酒兵貪游恐  
被妻孥罵歸帆斜挂東風借最憐月到弄珠樓客星已向西



南駕靈輿採太乙

觀景月夜登來青閣望東山作歌

月影隔山未到地先於閣上見大意湘簾高卷遠峰橫一燈  
遠照烟中寺須臾月出海茫茫瓊宮翻倒化作萬頃玻璃光  
闌干乍溼風吹微霜寒氣侵人急呼巨觴青山傲作高人臥  
呼之豈肯來入座霧鎖煙籠深復深曹騰夢熟呼難破一塔  
窈窕似美人天風環佩空中鳴山頭獨立矜絕世不須凡格  
窺其真憶昔登山望此閣晴空了見窗六六今宵看月對此  
峯雲巒反晦真面目渺渺神明區迢迢不可攀安得雲車月  
馭馳入山山中靈怪定然驚我頑天上真人忽招手天下名

硤川詩續鈔

卷二

十四

山行處有妄想休隨幻境生請君且盡杯中酒酒酣頓覺天  
地寬對月起舞影闌珊我狂早被山靈怒我吟猶有鈴聲助  
千秋作賦心已灰五嶽尋真志可恢騎長鯨控孤鶴但期選  
盡胸中得意之邱壑歸來寫徧凌雲萬丈之高閣

萬樹山房和東秀道人韻  
君自有仙骨山中多靜綠竹光凝碧雨潭影倒青天開卷風  
翻頁橫琴花打絃客來淡忘意階下酌清泉

晚過西山追和章孝標韻

晚景出門好行吟上翠微錯磨山衲問貪看竹禽飛返照紅  
窺徑濃陰綠染衣遙看村落外樵牧幾人歸

茅庵

山小不知路茅庵隨意來寺門出修竹佛座暈青苔坐久蒲團壞秋深落葉堆神仙不可接吟歎獨徘徊

橫山道中和查梅史

探韻

鈴語斷空碧獅峰露寺紅檐搖山影裏詩閣夕陽中樹密疑無路溪深不受風言尋讀書處寂寞幾人同

涉園玉玲瓏館賞梅

郭外晴葩樹樹新玲瓏山館綺筵陳酒吞疎影香撐腹手折高枝雪滿身玉笛漫吹江上調銀毫還寫月中春不須幾世修纔到風月分明是福人

硤川詩續鈔

卷二

十五

游虎跑用坡翁韻

林麓人家焙茗香綠雲如水潑衣涼僧棲古寺雲俱嬾人到深山日更長試上東峯尋祖塔可能神夢示迷方晚來且乞幽蘭火爛煮胡麻恣飽嘗

晚步西山之陰

山坡芳草碧盈盈屐齒傾欹竹杖撐風軟鐘聲離寺緩日斜人影隔溪行餅香麩麥家家熟蠶畢纜車處處鳴屈指江村忙半月樹頭布穀又催耕

集吳榕園

應和

藝香書屋限春字

天涯何處避囂塵來覓無懷以上民閉戶獨吟雙硤雨賣文



時換一壘春年延病母君多福相識佳兒我最神爲榕園初得一孫  
共檢詩篇各珍惜人間難得是間身

韜光寺用唐六如韻

聽說千山萬壑泉關門洗足且安眠拂牆欲寫胸中竹啜茗  
應生舌底蓮古殿高空雲作地老僧衣食佛爲天始知鷲嶺  
延東望海日江潮在檻前

東塘橋舟中

桑麻兩岸散雞豚竹裏炊煙又一村正是養蠶禁來往日高  
人靜掩柴門

新秋息誼草堂次榕園韻

硤川詩續鈔卷三

十六

四壁風聲落樹端草堂一枕夢初殘綠陰位置吟詩處遮住  
斜陽釀嫩寒

偕張犀谷

步蟾

至吳門舟中雜詩

荻花風裏發漁歌薄被輕裝泛月多記得小長蘆句好夜蓬  
聽雨我重過

碧嶂丹崖霽色開湖光萬頃一舟來煙雲醞釀人靈氣終古  
江南出畫才

倪子度原名心田字懷耕一字子度號潛齋有石竹亭詩

集未刊潛齋詩鈔一卷附刊宋榷雞窗三續稿後

宋氏榷曰潛齋余舅氏蒲庵先生從子也幼好韻語長  
益刻苦自勵時有二阮之目不善治生計日窘與其

中表弟陳霞莊日惟買醉壚頭白眼玩世不與俗周旋  
初爲童子師繼效韓康賣藥總不給或至絕糧人不能  
堪君方手一編朗吟自若也親屬有

擁厚賞略不闕恤君亦不屑詣之

紫硤文獻續錄潛齋丈幼好韻語長益刻意苦吟而清

機妙緒不媿雅人之致家本素封中年以後漸落初爲

童子師繼而賣藥北湖家累頗重總不能給或竟日不

舉火仍朗吟自若稟不自惜散佚者多今余舅氏宋樗

窗再續稿後可慰泉下之憾矣

許仁沐曰先生以

字爲名今仍之

### 寄宋樗里

先生一雙目炯炯若明鏡精光所射處百罅無不印無鹽雖  
善飾對影媿容髻了了照詩書謬譌可攷政世人俱諾諾君

言那肯信不信由他人君目終清淨我慚少失學識字記名

### 硤川詩續鈔 卷三

姓詩未窺藩籬聊以陶情性借君雙精矚照我此中病

### 施將軍廟

岳家之冤海底沈將軍之恨入骨深勃然一怒氣如虎按捺

不住英雄心世人誰敢殺此賊將軍之刀光如雪斷奸之頭

飲奸血二聖可還矣岳家之讐亦可泄奮然一揮如霹靂惜

乎不中兮仰天悲事雖不成名則垂丈夫得死非細事從此

權奸毒更肆五國城中萬古愁西湖墳畔千行淚吁嗟乎鸞

臺鳳閣雜狗羣誰識殿前小校施將軍事成不成總由天忠

魂烈魄同千年

人日登快哉樓次吳秋陸韻



樓高堪縱目，人日樂躋攀。  
殘雪明孤樹，寒雲擁亂山。  
香消僧入定，興盡客思還。  
林外昏鐘動，相攜渡水灣。  
溪橋夜坐有懷，樗里

雨歇暮山靜，溪橋煙水深。  
半彎新月色，一片故人心。  
望遠迷雲樹，懷思託綺琴。  
伊人在何處，擬泛野航尋。  
泛舟青松塘

短櫂橫江去，湖寬起夕風。  
浮雲遮斷塔，涼雨響孤篷。  
漁屋炊煙白，山家落照紅。  
陰晴殊不定，晚色更空濛。  
借山樓詩四首

霖雨沈沈漲急流，石橋低壓碧溪頭。  
攜將世外畸人杖，借得  
破川詩續鈔 卷三

山中處士樓，泉石有情容。  
寄傲煙霞無恙任，勾留闌干幾曲  
牕前後木榻，居中可臥遊

我比林禽出，更先疎星猶挂短檐前。  
半湖秋水明殘月，兩岸垂楊生曉煙。  
癡絕不爲枵腹計，興來已就着山篇。  
眼前好景真奇絕，朝旭穿林血樣鮮

簾影虛檐曉色凝，好詩吟罷又來憑。  
烏投極浦無邊去，月自羣峰斷處昇。  
遣興不須金盃酒，有情如對玉壺冰。  
勞勞塵海奔馳客，誰愛清幽向此登

樓前芳樹碧盈盈，付與幽禽自在鳴。  
豪興每逢愁處減，化機多向靜中生。  
愛傾白酒忘閒事，苦戀青山負太平。  
焦尾一張

書一卷算來卽此可忘名

飲酒四律

漫將荷鍤笑劉伶天上誰知有酒星似我可同彭澤醉勸渠  
莫學左徒醒平生眞覺糟邱樂此話休教惡客聽好語門前  
乞文者肯攜琴酒眼常青  
曾襟畢竟酒徒眞潦倒龔疎任客嘖未療飢腸先療渴只愁  
瓶罄不愁貧飲中豈有成仙者藉此原多失意人時復中之  
聊爾爾亡憂君術固通神  
擊筑吹簫雜狗屠婦人醕酒笑豪粗物能作病將安用事到  
難平不可無君豈未知其趣耳我何行樂在茲乎祇因塊壘  
胸中滿拍案狂歌倒一壺  
達士奚須身後名拍浮自足了平生壯懷塞勃消無術愁陣  
堅牢賴有兵止酒王琨眞鄙塞傾家次道最多情醉鄉亦是  
人間世正好陶陶樂太平

過查東山先生萬石窩感賦

斷嶺平岡未向東如羊亂石散枯蓬曾聞有志烟霞外未必  
無心世網中聊以閒情寄絲竹果然老眼識英雄至今過客  
重憑弔一片平蕪夕照紅

雨雪初霽山行卽目

欲作晴遊屢易期窮陰連日故遲遲人來山雪初消候春到



梅花欲放時溪曲水流冰乍泮樹頭晴色鳥先知果然風景  
山中好已挂橋南賣酒旗

寄訊樗里表兄近况

殘秋一葉到岩阿屈指分攜七月過瘴鬼愛才聞久戀達人  
知命且高歌漫嫌舊雨書偏少肯念貧交感更多我已髡毛  
無可白不知君病又如何

冬日飲西溪黃家村店五年前曾與亡友徐松巢買醉

於此悵然感賦

衝寒買醉過溪濱不覺臨風獨愴神故友墓門生宿草壚頭  
猶識姓黃人

硤川詩續鈔 卷三

新正雜詩

午雞噉罷未朝食曲尺眠床布被寒分付癡兒休閉戶諒無  
踏雪問袁安

禦寒無術不知愁檢點空囊少杖頭幸有祭詩餘酒在滿山  
殘雪且登樓

題陳霞莊夢禪圖

人生夢幻本無端悟得禪機畫裏看彈指已更三世事老僧  
猶坐舊蒲團

塵夢勞勞只自猜不如無鏡亦無臺睡鄉果有逃禪處我也  
尋君入夢來

陳松字夏以號霞莊遇堯孫

紫硤文獻續錄霞莊爲秋坪先生文孫少年落魄放蕩不羈壯而奮志讀書秋翁之詩俱散佚訪求博鈔彙成七卷名曰古梅軒詩稿而霞莊於是乎能詩矣故霞莊之詩無所謂唐音宋派蓋得力于乃祖之詩也霞莊破後書籍遂廢後嗣又不能守此祖集惜哉

許仁沐曰古梅軒詩及吳芭君先生抱秋亭集其稿本均在余家惜乎術乏點金久矣藏猶韞玉未能爲之殺也

雨中赴省

匆匆襪被欲何求只爲微名賦近游一夜閒愁眠不穩滿船

風雨到杭州

將至賁湖留別軒前梅花

硤川詩續鈔 卷三

三

顧影徘徊怯早春魂銷無限別愁新東風有約如相訪合讓梅花作主人

雨夜宿徐步橋酒家有感

挾得詩囊訪舊游卻尋歸計思悠悠誰知徐步橋邊路急雨還將倦客留

每逢客裏別愁牽風急山城欲暮天料得蓉溪今夜雨倚門

人定未成眠

李印字月巖號千潭

許氏光清曰月巖自其祖父己以畫名硤中月巖世其業專精寫真十得八九同時執藝自給者多不及也

山房和韻



嘉賓好我集山房  
權把愁懷付醉鄉  
莫訝袖添新酒點  
舊痕猶自染羅裳

張齊溶字渭璜號春波諸生

許仁沐曰渭璜表伯洛守永思樓家範勵志勤苦仿陸梭山居家法自奉極約而戚族喪葬時仗助之

牡丹分詠二首

霞暈酡顏酒未消  
誰扶麗質逞妖嬈  
頻翻玉佩嗔垂手  
倩整金帟怕折腰  
紅藥助成三月豔  
綠雲襯出十分嬌  
從今借與維持力  
搖曳春風颺紫綃

扶花

去年鴈詠趁新晴  
國色曾經細品評  
游屐偶因春雨阻  
芳心早共好花萌  
熏爐翦蠟懷佳句  
射覆藏鉤想舊盟  
一段相思

硤川詩續鈔 卷三

三二

無限意東風轉瞬  
綴繁英 憶花

陸筠字挺篁號嘯莊

牡丹分詠得問花

嬌豔翩翩號鼠姑  
含情我且向花呼  
驪山植處還多少  
瑤島飛來尙有無  
一捻留痕何地勝  
幾番酣酒倩誰扶  
東君若肯通消息  
清夢時光定告吾

題歸欣然清暉齋詩鈔

磊落胸襟數卷詩  
讀來鎮日有餘思  
分明崇敬非凡品  
恰繼冲之絕妙辭  
文譜交游應共賞  
吟壇酬唱莫嫌遲  
願君握得生花筆  
一路生花到鳳池

張齊濂字敦夫號澹圃齊溶弟

牡丹分詠

春到河陽富貴枝商量擁衛費尋思張燈池館繁相稱逗月  
簾櫳淡亦宜宿雨微寒塘繡幄濃薰易洩掩湘帷綠章更向  
司香奏乞與金鈴好護持

衛花

尋芳端的未曾遲春到繁華第一枝買去直宜金百兩羅來  
不費網千絲分香惟願君同癖解語還嘲我獨癡除卻傾城  
好顏色此生何處更卑詞

乞花

李希仕字雲峰

登長檣山次蓮君韻

硤川詩續鈔 卷三

三

峩峩長檣山遙與大海對我來一登臨勝處領大概風沙自  
迴合水日互明晦雲連烟樹攢雪滾銀濤碎島嶼隱空濛魚  
龍紛變態遙光眩晴色清韻鳴天籟目窮望不及蒼然起夕  
靄雲壓千峰落日落一輪大樵牧更無人吟眺還我輩何以  
尙烽烟浩然發長慨

登橫山用昌黎山石韻

橫山崒岬山徑微峯峯相向勢欲飛榻來攜朋上山頂綠陰  
如幄經雨肥更尋逋翁讀書處荒臺遺蹟今依稀探奇吾儕  
饒有癖登臨懷古堪忘饑峰回路轉忽到寺山僧揖客開禪  
扉深幻指點有龍窟往往晝暝烟雲霏我聆此語循徑入怪



石森立山重圍於焉下憇坐其下飛泉涓涓沾人衣勝游到此亦良得胸中真無塵網轍仰天時一發長嘯疎鐘遙應催人歸

東山晚步

探幽上審山危磴任躋攀人語通樵徑炊烟隱市闌磬隨青  
樾度僧踏白雲還不盡登臨興蒼茫落照閒

碧雲寺晚眺

雨後僧寮客過稀嵐光送綠到禪扉竹欹小徑疑無路雲擁  
危峰勢欲飛向晚帘收沽酒店催歸網集釣魚磯回看新月  
山頭吐臨去徘徊戀翠微

硤川詩續鈔 卷三

三十四

澗湖雜詠

綠波春水戲沙鳧隔岸山光翠有無記得舍人詩句好至今  
人說小西湖

綠楊如幄鎖晴烟蟹舍漁村近遠連野鴨嶺頭行欲盡不知  
何處訪譚仙

鶴田歸去足幽棲諫議祠前夕照低誰薦一盃新麥飯春風  
愁聽子規啼

晚步俞家橋

一簇人烟傍水涯俞家橋外夕陽斜吾來正值春光暮開徧

沿籬刺蒺藜

小橋流水一溪斜  
簾幙沈沈是那家  
風景依稀人不見  
隔牆閒煞碧桃花

倪步蟾字薊林號樺庵宜徵子諸生

九日壽陳太夫人 涵 七十

扁舟載酒賦歸來  
岸柳蕭疎菊正開  
圖得先生行樂意  
清風

明月子陵臺

悠然觴詠足生涯  
如此襟懷豈漫誇  
莫問丹方藏肘後  
華山

處士本仙家

破川詩續鈔 卷三

三五



破川詩續鈔卷四

許仁沐原名壬伯 同輯  
里人 蔣學堅 子貞

妻沈聲 陸字平如 號簿聯附貢生有蜀游草四卷或一吟齋

日十集十卷

秀水孫氏融曰明經詩學盛唐晚年參以山谷平生足  
跡幾半天下其入蜀詩尤稱最惜遺稿散失僅從友人

李王叔處得殘編讀之  
山谷面目猶略見也

管氏庭芬曰簿聯工詩善飲嘗橐筆作楚蜀之游晚歲  
歸里闢宅旁隙地樹梅種竹招舊友觴咏其中名曰自

謂不存

園 補槐篇

破川詩續鈔 卷四

園有老榆與五柳上應天文種非苟槐木乃是雪星精先亦

有之後不有星精不知何言靈曾聞孝感枯復榮廬墓豈患

傷分斫神異原勝田氏荆青槐憶著吳都賦不記婆婆歎此

樹上走朱輪下白鸞百姓長安歌夾路三公位列三槐均槐

取義言懷來人情實言歸更宜樹訟庭翠比棠蔭新五日兔

目十鼠耳博物記取淮南子小池塘側一樹生自幼摩挲偏

愛此七八月開花盛黃人火盡道舉子忙我赴省闈六戰北

歸來一樹忽凋傷凋傷未補北行疾博士例入辟雍室槐市

頻過空議論對策金門三度黜游幕尤多萬里行每經驛路

半欹傾樹槐表路思良策自笑嘗談空老生老來歸守荒園

住花少重添三徑樹大葉而黑未及栽桑榆顧影嗟遲暮老  
友關情向予言子能補腦食輕身肩吾常服偏明目益壽看  
書過九旬君言誠是君情好我豈必還童返老踏黃會市總  
蹉跎願示後人努力早賣樹人尋主顧來元陰卻喜一株垂  
舊根空處重新補官候剛逢九月時

林類冬日偶成題十八公

衰安高臥日苟令獨吟身梅萼香如故蘭芽色轉新時寒知  
酒聖歲晚覺錢神問饋交情重蓬廬早見春

卽事

蹇運最傷神那堪多病身自憐忙過日誰信老催人有句長

硤川詩續鈔卷四

懷舊無肴也薦新晚來新月朗花畔樂天真

秋原晚眺

散步郊原西復東眼前景色與春同菜畦得雨芽逾碧柏岸  
經霜葉轉紅放學兒童嫌日落來瞻婦女話年豐夕陽影裏  
村醪熟醉倚溪頭十八公

春日連陰懷朱六振聲

芊芊草色足風情長聽林鳩逐婦聲曉霧已經成就雨晚雲  
還未主張晴空思隄柳如金嫩安望山花似火明西路場前  
春興好明朝擬作放船行

蔣杉亭仁榮

以秋日過自謂園詩見貽次韻酬之



插架遺書溯郡侯客歸容讀夜深秋君長客梅里今秋養病家居三月餘矣高

情自足耽吟詠逸興還知寄釣游畝一獨憐花蔭少徑三共

羨竹通幽不材今老無能矣合讓英姿出一頭

對雪雜詠雪益甚宮宴賦詩未成擬曾賦與面不意

雪月交輝興不孤欲吟清景酒先沽不知高讌張華屋憶我

寒牕獨酌無歡香眼試詩盡賦呈意言人莫對愁眉自尋

驢背新詩冒冷吟雪泥孤竹踏來深梅花已入鄉關夢不向

長城北去尋乙亥新正客遷安古孤竹國地去長安三十里是冬歸

訪戴扁舟興忽乘造門返權見何曾二龍我卻思謀面趁凍

明朝去踏冰

破川詩續鈔 卷四

明妃怨

追想當初出塞年琵琶彈斷恨難傳那知不作單于婦老死

深宮更可憐

白桃花

欲續寒梅一瓣香胭脂洗盡別呈芳行人莫怪蛾眉淡自是

當年號國妝水殿燈船舊景西式古不似高熱燕華風韻

隨俗開來斷俗塵葢珠宮裏想清芬劉郎曾識飛瓊面不意

今朝又遇君林今春無指笑合歸英交出

歸觀成字有聲號欣然諸生有清暉齋詩鈔補少

陳氏鱣曰欣然自幼失怙秉承母教克自成立早歲能文蜚聲藝苑舉業之暇酷好吟詠賓客過從無虛日其

高祖奉橋公始自常熟  
移居海昌之碣石里

紫峽文獻續錄欣然襟期曠達不以貧窶累心且豪於  
飲雖家無脫粟而放懷詩酒自若也先君曾題其稿有

風流文采正英年如許才華富一編  
之句堅年未強求而歿稿遂散佚矣

蔣學堅曰余曩求先生詩不可得辛卯仲冬過社廟羽  
士吟舫出詩一冊見示前缺數頁不署姓氏攜歸細閱

乃知爲先生所作喜甚今秋於費生敬庵處又得一冊  
分學語梓里京口閉戶四集知先生當日吟詠甚富幸

未飽白魚蒼鼠不至終於湮沒亟登數首於此餘句如  
歸途口占云眾星初出小缺月乍升昏夏日偶成云杵

粉調魚餌烹茶拾雀巢登快哉樓云暮雨一番妨客步  
春寒連日替花愁詠繡球花云愧我詩還輸組織有情

真木花亦愛團欒春暮書懷云無病常能  
疏藥石誤人未必是詩書皆可誦

勵志詩

業須勤益精器以虛能受俯仰天地間誰肯居人後茂先句

破川詩續鈔 卷四

長吟子玉銘時守

縱有連城璧不琢質難昭縱得十年木不朽工能雕試看山

與水盈積非一朝

嗟余少也孤母心苦如死束髮久延師深望名標史不習負

青燈何以爲人子

隴畔萬頃田深耕無休息篋中百鍊金受礪增賞識兀兀以

窮經勉旃方有獲

春暮雜詩

築椽四五間促膝我心慰小窗背堂開點綴有百卉季春天

常晴萬物咸蔚蔚茂草日以生呼童勤灌溉開門挹山光鈞



簾通花氣塵俗不來侵領略其中味

橋畔春水生向晚間漁唱揮塵偶倚門愛此風和暢剛竹漏  
天光飛燕下還上悠然隱居問誰鼓棹訪抱膝且長吟地  
狹心閒曠意人不我親中懷轉悵悵

日長無客來終朝憑几案舊詩割愛剛塗鴉還點竄好句不  
在多古云一以貫飛泉百道流勢如傾天漢根柢不可尋源  
流無閒斷會心不在遠方寸烏容亂

數年樂村居言笑常晏晏青山如故人日暮看雲便好風東  
南來嘒嘒鳥聲變飛絮撲人衣落花時點硯憐余嗜幽僻擁  
書不知倦豈其負春光輾轉心常戀

硤川詩續鈔

卷四

五

題陳笠漁

天佑

修竹吾廬圖

我不知笠漁之人何許人但見秀骨亭亭風情卓雅迥出塵  
更不知笠漁之腹何如腹其道清言娓娓咳吐珠璣常卻俗  
千篇頃刻盡琅玕恰稱蕭蕭數竿竹吾愛吾廬左右宜此君  
相對慰幽獨蔚藍天氣好風光乍刪乍補惟所欲何須舊雨  
來求羊已覺清風吹滿屋有時索句靜閉門拍案吟聲徹崖  
谷有時萬个受風鼓天籟琤琤鳴寒玉竹林枯坐興優游玉  
筍他年班角逐和煙和雨遞幽香輸君日享平安福况乎當  
年子猷愛竹不可一日無嗣有香山與大蘇千古高情同一

轍要惟笠漁之修竹吾廬圖

飲酒歌

君不見高山嶮巖多要路行人傴僂不敢怒又不見碧水參  
差生波瀾我無舟楫欲濟難人生天地無百年俯首踟躕眞  
可憐胡不痛飲學神仙登高望青天青天何寂然舉頭觀明  
月明月何娟娟天去地幾萬里人見月幾回圓掉頭一笑驚  
雲煙我欲借洞庭作酒北斗爲杯天許無更招高陽舊酒徒  
坐飲巴邱相歡呼幕天席地歌烏鳥明月朗照金叵羅眾人  
皆醉我不孤世間萬事東流水飲酒高歌而已矣

訪王西塘

維馨  
不值

幾日無消息間來一扣扉伊人不得見思與白雲飛多病拋

破川詩續鈔

卷四

六

書慣長貧似爾稀紫薇山下路何處話依依

驚蟄日對雪

狂風連夜太無端坐擁黃裯潑水寒紀候已經盡啟戶靜觀  
忽訝蝶成團十年飄泊身還似二月光陰客裏殘怪底春來  
常晏起俗人原不識袁安

呈曹桐石先生

七十餘年風教敦不多時別易銷魂客中烟雨吟懷健樓外  
雲山佳氣存八斗才華驚鳳闕千金聲價長龍門知公大有  
扶輪手樽酒歸來好細論

寄耿光弟



半載離家感索居異鄉加飯近何如英雄淚盡頻看劍衣食  
謀深廢讀書落月飛霜還望雁西風旅舍莫歌魚萱堂垂老  
心常繫尺素時時慰倚閭

秋闈報罷偶成

豈真花樣尙難同枉話穿楊一箭功蟋蟀聲中悲落葉芙蓉  
江上怨秋風螢牕又藉三年學鵬路終期萬里通辜負重陽  
佳會好閒居且自傲陶公

寄懷陳巳雲

桐

金陵

又向河橋折柳條相思千里夢魂遙玉簫聲裏秦淮月未識  
何人伴寂寥

硤川詩續鈔

卷四

七

短笛關心閱幾秋黃公壚畔記曾游十年重到銷魂地人面  
桃花似舊不

許兆科字啟字號香垞郡諸生

次歸欣然見投元韻

訪君重過舊華堂論古談今意味長好句多懷蘇玉局豪情  
豈讓孟襄陽簾垂春日花齊放爐鎖茶煙鶴乍翔一事教人  
增悵惘年年作嫁爲人忙

許銘恩原名國鈞字晉三號松石兆科弟

次歸欣然見投元韻

幾次瞻韓到講堂相逢恨晚話偏長詩名人已推京兆紙價

爭傳貴洛陽驥尾何時容我附鵬程有路讓君翔  
伫看文戰秋風捷鞭指 皇都策馬忙

王維馨字西塘

蔣學堅曰先生名姓已無人能舉觀歸欣然先生訪先生不值詩有紫微山下路何處話依依之句其爲吾里人無疑竊念騷人墨客苦吟畢世身後闕寂無聞如先生者當尙不少良可慨已

贈歸欣然

古木綠陰濃禪房曲徑通  
屐迎山館裏茶煮竹林中  
好客情相似耽詩癖亦同  
縱談渾不倦我欲醉春風

沈元熙字允工號沈樓嘉慶癸酉舉人有沈樓詩鈔

海鹽吳氏應和曰沈樓急人患難規人過失直諒慷慨之氣迥越時流積束脩所入葬祖父母雖貧甚堂上甘

硤川詩續鈔 卷四

八

旨無缺務得歡心與兄既析爨視如一體其篤於孝友蓋如此前年旅櫬歸其子昌後啟遺篋得詩六冊乃屬其宗人養和

選錄付梓

錢唐吳氏振械曰沈樓抱如愚之質年十七未解經義憤然奮厲寒暑不輟業一旦遂爾豁然後五應禮部試卒於京師年未及五十也里有廣孝葬會幾廢矣賴其言事復舉收養棄嬰營乳育之費嘗質衣以爲倡率其勇於爲

義如此

紫破文獻續錄孝廉弱冠時卽名噪蠻序下帷攻苦發憤自勵年近不惑始登賢書抱用世之志四應禮部試不獲雋長路無聊旅居多鬱卒於京邸聞者歎惋

山城春夜雨

春夜雨沈沈春山雲漠漠兀坐更漏長  
寒城聞鳴柝檐溜滴苔階巖花落  
幽壑舊雨懷良朋曠遠何渺邈安得重握手聽



雨集高閣東風窗隙來寒逼一燈綠把酒起徘徊歌聲振危  
嶠嗟哉山城中春深不自覺晨霽訪溪南梅花香已著

步李環塘司馬答朱少仙學博贈蘭原韻

幽香綻玉蕾坐使幽人采幽人情性芳此度終不改移贈使  
君心顏開新詩絡繹羣相催對花誦詩花應語此詩此人真  
我侶不然空谷孤芳孤胡爲鍾情共如許乃知蘭爲王者香  
君子臭味同中腸卽今使君聲循良德並蘭佩民無忘

喜雨

斗柄指末日南陸大暑流威如吏酷蒼蠅集坐蚊嘍肌江南  
地卑倍蒸溽科頭赤腳扇不停汗流如珠欲成斛大風卷地

硤川詩續鈔 卷四

九

東北來峯巒模糊雲奔速震雷號號地中奮電光隨之雨瀆  
瀑白龍天矯神尾現青苗勃興田水足風定雲散天復晴涼  
氣徐生散煩懊鄰農手額慶年豐桔槔聲停自歌曲

靈隱觀冷泉出闢歌

六月煩暑一洗空白波界道如流虹冷泉之水水何冷奔飛  
聞上聲淙淙欲出未出驚迴瀨將軍盤馬虛張弓忽然一發  
勢迅疾銀河直瀉飛來峰廬山瀑布稱奇絕對此恐亦難爲  
雄珠跳的鑠溼羅袖我來流覽開心胸出山更比在山清松  
陰澗底含重重纖鱗活潑見石罅潭影倒插青芙蓉低徊石  
上坐忘久置身疑在馮夷宮

深巷少人行寒宵聚柝聲朔風連野戍孤月挂巖城刁斗隣  
邊警靈鼉莫海更問閭安稔歲宵小戶無驚

黃葉前山路寒鐘古寺鳴那堪搖落候聽此寂寥聲淒絕舍

商調冷然物外情還令塵想絕昨夜夢魂驚

旅病

羈旅何須遠家鄉絕域如况遭常疾病徒自惜居諸積案塵  
將厚杜門友漸疎恐勞堂上念強作問安書

芳草

硤川詩續鈔

卷四

十

芳草芊絳一望平春來何處不銷魂淡煙輕靄遠疑水細雨  
斜陽綠到門祠宇深深懷帝子馬蹄欵欵送王孫池塘有夢  
詩方就添得懷人別淚痕

夢中作

別館依稀傍水涯春城三月景繁華山舍空翠晴添秀筆染  
爐烟暖吐花亦有文章供嘯傲居然雞犬在雲霞樓臺頃刻  
成彈指聲徹參差弄玉家

詠繡球花

隔垣粉蝶引紛紛閒倚雕闌對夕曛深院暖留三月雪小庭  
風皺一團雲碧簾靜挂香仍透白燕低飛色未分幾日博山



爐火熄恐添蘭麝亂清芬

甲戌禮闈放歸臥病家居  
馬足鞭絲入夢頻青衫猶帶輭紅塵各行遠路星霜苦人到  
中年歲月珍抱璞何須長慟哭殘羹儘可耐酸辛壁間劍氣  
如虹吐風雨陰符讀幾巡

題朱半塘 恭壽 買春圖

名花北地自爭妍策馬南歸路幾千有約西湖春色好東風  
伴爾酒家眠  
賦成何處賣長門憔悴春衫半淚痕寒食淒涼蘇小墓可能  
相約爲招魂

秋川詩續鈔 卷四

十一

對鏡年來鬢欲絲斜陽又見去如馳但教買得春長在花落  
花開兩不知

驢驢典盡醉芳醕同調何人笑口開綠柳紅桃村店路看君  
扶杖過橋來

卽景口占

聞窗柳絮晴飛白古院山花晚照紅滿地綠陰人意靜坐聽  
新燕話東風

題畫

際曉霞裳奈薄何蘋風淒怨水凝波十三行裏分明見博得  
東河舊恨多

田田皴染蔚藍天  
浦漱曾無舫  
船屬玉似憐秋淡蕩一牽  
獨下破寒烟

祝德輿字敬衡號南筠諸生有延綠草堂詩存四卷

查氏揆曰南筠爲芷塘族弟詩  
有家學迥非凡近故其詞特工

沈氏聲陸曰令子熙齋克承家學收掇遺文  
將以付梓凡一切應酬捉刀之作不列於集

紫破文獻續錄表兄少孤力學弱冠  
游庠詩本性靈不失溫柔敦厚之旨

重陽後十日招同榕園夢花半村雪崖小魯晚登西山

尋馬自然丹井歸飲延綠草堂分韻得月字

暮色蒼然來青山餘一髮撥雲拾級登疏磬出林樾言尋馬

仙井清冽泉未竭遠火樹頭明夕陽鴉背沒我家依山麓小

映川詩續鈔 卷四

十二

築僅十笏斗酒蓄已久憐秋清興發楓葉競春妍菊英留晚  
節黃昏萬籟靜坐待東升月

集藝香山館賞菊

亭臯木葉飛秋色猶盈目言念素心人近住薇山麓入門蘚  
滿階插架書連屋小試鋤經手餘事及藝菊天風吹短棹有  
客來不速開筵坐花中霜月窺醺醪吸月帶花影寒香入我  
腹喜君晚節同擬伴東籬宿

小集五研齋適張叔未

廷濟

自禾至分得深字

山深隱霧豹林密來鳴禽長歌伐木什每懷求友聲天風吹  
萍梗一棹曠江潯揮塵霏玉屑布席坐桐陰雖無絲與竹有



酒聊復斟緩緩花閒漏冷冷石上琴情投心自愜語入夜忘  
深祇恐征帆發欲別還沈吟

趙彝齋英石夢花收藏

一聲白雁橫江渡破碎金甌復誰顧惟有英州片石存王孫  
手澤仍如故彝齋本是天潢族不料興亡同轉燭食粟羞爲  
異代人采薇甘臥空山曲六陵無主草芊絳又值紅羊換劫  
年朱鳥歌殘空擊裂三拳寶愛尙依然金芙蓉蒼精龍二十  
一字銘何工謝氏硯材堪作友宜和良嶽久經空息諠主人  
雅好古一朝購得神飛舞入門雲氣盪我胸仿佛衡巫列堂  
廡回首錢唐煙雨寒故宮法物盡摧殘祇憑遺老留珍玩當  
作殘山一角看

硤川詩續鈔 卷四

題方正學畫雙松圖

畢宏不作韋偃死畫松何人得其似侯城先生讀書種潑墨  
龍鱗空中起洪武八年歲旃蒙寫祝應奉丹崖翁黛色參天  
霜皮古亭亭不與凡材同金川門破鼓聲絕公先仗義殉大  
節學士詩篇逐電流少師畫竹隨煙滅茲圖流傳四百載懍  
懍生氣依然在十三陵樹已荒涼歲寒之心常不改通靈飛  
去孰敢顧忠貞遺墨神呵護不然古來畫手指難勝區區雙

松何足慕

龍靈石歌爲查清華

人漢

賦卽送其之官河南

吾聞葛陂之杖延津劍一朝化去隨雷電何年陡落深山隈  
鱗而恍惚空中現查君愛石夙成癖搜崖剔巖忘朝夕興來  
偶作黃山游探奇直到淮陽宅

花溪黃山之東麓許淮陽太守故居

淮陽一去

三百年尙留片石埋雲煙藤絡苔纏鱗甲古雨淋日炙爪牙  
堅攜來置向花開處蜿蜒應有神靈助帶雨渾疑跋浪升乘  
風直欲擎雲去護以香泥圍以欄寶之不啻千璵璠羲和停  
鞭不敢度空堂六月午生寒太湖靈壁那足數君家皺雲堪  
與伍

伊黃先生有皺雲石

嘉名肇錫非過譽龍靈之稱足千古安得騰

霄作甘霖隨君到處布施膏澤深坐使中州之民俱歡心

非市亦非村幽居足避諠

村受基

息諠草堂落成賦呈

硤川詩續鈔

卷四

十四

非市亦非村幽居足避諠青山趨戶牖綠樹護庭軒遺子書  
千卷留賓酒一尊頌君還似竹歲歲長兒孫

時丈尙未抱孫

訪姜貞毅墓

諫草陳墀後流離宛水濱節佯蘇屬國心是楚靈均故苑臺  
游鹿空山石臥麟百年英爽在揮淚薦蘩蘋

秋闈報罷復渡之江

失意仍南去帆懸夕照間高風羅刹渡秋色固陵山紅葉逼  
人醉白雲如我閒暨陽明日到回首隔鄉關

墨菊和許心如

光清韻

分得秦川種最妍秋容黯淡也娟娟掩來視北三升汁潑作



籬東一抹煙壽客無言惟守黑高人解語定談玄從今老圃  
如頌爵卽墨應封九月天

夢花招集西麓山房疊前韻

蕭蕭落葉點苔斑薄暮禪房未掩關覓食烏隨清磬下穿林  
人共白雲閒金鑿玉繪秋邊酒疏樹寒煙屋裏山添得一鈎  
新月好吟肩高聳夜忘還

謁西山白文公祠

礪斧殘碑不可尋明孫太初有白傳斷碑樵斧礪之句今碑已無存空留祠宇傍禪

林一樽偶約迎神薦五馬曾經按部臨黎庶莫嫌承化淺青  
山已覺受恩深而今猶有花間鳥似向檐前助醉吟

硤川詩續鈔

卷四

十五

四月四日半村至邀同榕園亞白重飲陳氏酒樓限猜

字韻

棟花風送一舟來謂半村偕上層樓笑口開繞檻山容仍妮嬾

親人鳥語不驚猜一門才好原同氏謂榕園亞白三友交深數舉

杯醉倒不知天易暝一痕新月寺鐘催

夜渡太湖曉起口占

曉起聽鶯歌黏篷溼翠多高峰七十二可惜夢中過

新秋詞

倦餘無復理絲桐丈室幽閒暑氣空坐久不知紈扇墮好風  
引入睡鄉中

紫微橋步月

湖上秋山疊幾重野橋踏遍白雲封多情最是林閒月照徹  
山僧夜打鐘

越中詠古六首

越王宮殿只荒邱霸業還隨逝水流不及當時鬻薪女年年  
簫鼓賽春秋  
沼吳偉績一朝成兔盡誰知狗竟烹猶有大夫餘怒在江湖  
時作不平聲  
荒草斜陽冷墓門當年碑碣已無存年年寒食梨花節剪紙  
誰招丙史魂

硤川詩續鈔 卷四

六

朱鳥音沈白雁來江山半壁劇堪哀玉鉤斜畔空芳草何處  
重尋廿四堆

樂府楊家久擅名自甘薇蕨老茅衡而今七客寮何在鐵笛

無聲山月明

九里嵐光潑眼新元章曾此寄吟身即論古格梅花似不獨

橫斜畫入神

顧瀾字辰樞號禹門又號葛民諸生

許仁沐曰先生為桐石曹徵君高足弟子徵君輯硤川  
詩鈔先生實與菟校之役家多藏書惜散佚并詩稿  
亦無存者

旱甚冒暑至當湖開橫橋堰詩以紀之



晴空萬里無纖雲秋陽烈烈酷如焚稻方抽穗河且涸呼天  
野老憂心熏憶昔乙巳遭旱荒兩月不雨愁恆嗚我鄉名宿  
籲大吏當湖橫橋開隄防兔牀先生請於撫軍檄縣開壩億萬頃田均沾漑  
王公碑記載綦詳平湖令王公撰記載縣志卽今何不循成例當事亦喜  
紆憂悸古來神禹奏平成疏濬決排無別計曾不崇朝功已  
休挽瀉銀潢水暢流行看溝塍徧滋灌旣槁禾且蘇田疇新  
穎繁穗垂千百倉箱整頓乘時收從茲安攔快利導太史年  
年書有秋

有美堂懷古

東南山水甲天下錢塘景色尤清雅一時守土盡名賢文采

硤川詩續鈔

卷四

十七

翩翩控五馬嘉祐二年梅公來天章寵錫堂爲開歐文蔡書  
稱雙絕政餘吟眺傳清杯官舍由來傳舍似興廢無常轉瞬  
耳臨安十錦湖錢王且化烟雲隨風靡卽如南渡宏神京鳳  
山宮闕連雲橫迄今好事慨憑弔空餘狐兔竄荒荆葛嶺當  
年雄賜第賈相園林侈華麗威權如夢境如塵感生後世滋  
詭厲斯堂何獨高千秋地雖非故名長留前有作者後有繼  
頡頏蘇白聯風流古人已渺猶感戴甘棠之思烏屋愛試聽  
九邑頌聲懽梅公政績今還再

智標塔

百尺浮屠仰智標峻嶒高踞硤川椒法輪常現輝金粟福地

重新煥綺寮七級丹梯聯斗極一枝文筆卓雲霄分明鰲柱擎天立照入江城路不遙

秋空影露碧六六彷彿天龍一指纖自此登雲欣有路更教就日快遐瞻羣山勢盡低丹檻滄海濤堪挹畫檐許否題名添故事新詩賦就筆同拈

和易刺史

鳳庭

捐廉助賑詩

彼蒼何靳歲頻豐遽使嗷饑部屋同瀕死幾拌深壑瘡再生幸仗哲侯功蠲租特請申丹陛發粟還籌補化工更荷殷勤咨任郵比閭自古誼相通

偏災未盡歎無年慈母殊殷保赤緣情迫拯援勞夢寐躬親

硤川詩續鈔

卷四

十六

省間歷原田勦敦義舉宏仁術首倡傾囊解俸錢百里哀鴻何得所羣沾愷澤庇旌旒

和姚月溪上巳修禊鵬湖謁白公祠原韻

晴光曠爽散輕煙學薄年衰祇自憐多負良辰因俗事竟無雅興訪高賢祝南筠先生約上巳祭白公同人掀窗獨自尋

閒趣把酒何人共樂天逸少風流傳不朽茂林修竹自年年

白公祠畔繞湘筠撫景抒懷最感人白公惠政至今未泯紫硤留吟傳

百世白公硤山望湖詩載之志乘蘭亭韻事踵三春勝遊湖往年年紀每

同人祭公皆讀君詩極爲佩服佳咏傳來字字新轉瞬春歸秋更老

瓣香他日冀重申三月望日沈馨堂明經已邀同人致祭今君詩中復有後訂故及之



題榮祭酒遺文

祭酒名肇元時人

室廬輾轉盡邱墟屈指年經五百餘獨有文章偏不朽能令  
聲價重璠璣

斗山重望屬高賢著述何愁渺不傳況有東湖賢太史早能

收拾到殘編

謂許慕迂先生焯

曹步垣字桂星號辛浦宗載子有辛浦小章附小嫻嬾仙

館詩餘

許仁沐曰先生胚胎前光學有本末嘗輯硤川詩鈔續集二十餘家冠以紫硤文獻續錄今悉登之用前鈔錄吳樵石詩話例也又著書倉編四卷鄉邦掌故足資徵攷

登東山浮屠望潮

硤川詩續鈔 卷四

十九

孤塔撐霄漢凭高豁雨眸微茫辨海色隱現走潮頭影卷晴  
雲白天涵海國秋蓬瀛何處是好借使槎浮

八月十四夜紫微橋步月

招客登山共出門遙看涼月湧江村影開金鏡輪無缺花滿  
冰壺桂有痕萬里寒煙澄玉宇三霄清露溼雲根夜深嘯咏  
尋歸路更喜論文酒一尊

花朝前二日對雪次葛民韻

春色還賒載酒緣偏教六出舞江天梅花欲續孤山夢柳絮  
疑翻灞岸煙寒壓前村芳信動詩吟梁苑綺情牽好將彩筆  
冰甌滌快雪晴揮幾幅牋

榕園丈戲以牽牛女蘿合種庭前賦詩徵和名牛女詞

作此以應

藤蘿枝葉互縱橫挹翠含紅綽有情  
若較天垣差足喜不愁  
河漢隔盈盈  
曝衣樓外露初溥秀影繽紛傍曲欄  
斜月半規涼似水便將  
靈匹渡河看  
吳槎字騫乘號蓮乙監生

誦芳樓落成集查梅史姚雲牖叔榕園鼓琴小酌率賦  
數椽小築對青岑邀得詩人論古今  
市近盤飧仍味少吟成  
酬唱易宵深萬竿著雨來清韻  
一曲高山入妙音  
幾度添香

硤川詩續鈔 卷四

二十

佳興倍好將綠蟻滿觥

史元善原名寶善字淡如號湘琳

紫硤文獻續錄淡如與予中表弟兄  
少聰慧晚吟詠年逾強仕咯血而歿

吳貞烈詞

貞烈陳九姑爲隅陽太常後裔定衡之幼女字花溪

朱注品章未嫁而品章歿女聞計投井者再以救免

屏居小樓偶折庭中柏枝插瓶忽生根盤結葱蒨可

愛十年相對一夕遽萎女卽整衣仰藥而死朱氏感

其貞烈遂迎櫬與品章合葬焉

蒼蒼凌雲姿凜凜表芳節柏生人與存人死柏同折感歎



伊誰卓哉陳貞烈鸞鳳雖協占衿禱未施結惻聞喪所天大  
義心先決投井矢捐軀未遂空飲血借彼殘柏枝明示生理  
絕詎知矢以貞瓶柏偏鬱勃荏苒寄浮生十年傲霜雪後凋  
一夕凋隨殉返天闕清操兩相輝堅節兩相埒不有柏離奇  
安顯女英傑龍山遜其高花溪遜其潔爲吟貞烈篇足補瓶  
柏說

牡丹分詠

芳訊行將轉藥欄天高尙自殢青寒好花縱說開宜後傾國  
由來得最難且計瓊苞當拂檻劇憐雲錦未成團一樽笑向  
花神說好試東風取次看

催花

硤川詩續鈔 卷四

三

清平有調擅無雙不信詩人盡乞降欲向名花酬妙句須憑  
仙骨換新腔墨融芳譜情同麗筆占春風豔獨扛回首錦囊  
添繡什香魂冶韻漏吟牕

詠花

鱸堂八景和朱少仙學師 錄四

枝愛龍門百尺高秋風秋雨作蕭騷西窗夜氣涼如水細寫  
幽聲入彩毫

西窗桐雨

千竿修竹傍荆扉翠影蕭疏淡夕暉指點幽禽堪入畫倦飛  
時帶暮雲歸

竹屏歸鳥

桑畔無多地自寬晚菘種得一畦寒此中滋味何人識漫說  
尋常苜蓿盤

桑畦晚菘

飛雪漫天晚更寒  
激潭如月靜無瀾  
瓊瑤世界真清絕  
獨立披蓑釣一竿

月潭釣雪

硤川續十二景 錄二

溪盡峰回幾樹楓  
俞家幽景妙無窮  
霜林醉倚斜陽晚  
映徹

澄波一片紅

俞橋楓葉

傑閣凌霄瞰九區  
窗開萬象數蓬壺  
最憐煙雨溟濛際  
寫出

江天潑墨圖

蓬壺煙雨

李學字景牲號西華有西華詩鈔一卷

過陽羨湖

返樾輿偏幽帆飛一葉舟  
風微千浪靜雲斂萬山秋  
白鷺行

硤川詩續鈔 卷四

沙渚寒鴉浴渡頭  
湖光三十里勝作武陵游

秋日同復齋東山晚眺

漫說春光媚秋深景更幽  
寒泉鳴曲磴紅樹擁危樓  
倚石雲

生袖穿林葉打頭暮鐘催客返  
歸路尙夷猶

鷗鷺嚴灘

故友談心抵足歡  
客星犯座怪無端  
雲臺圖像尋常事  
爭及

羊裘一釣竿

吳垣字薇峯號笠江廩生

許仁沐曰予與子貞有續鈔之輯徐君星匏元衡以詩

一卷見貽閱之自戊辰至壬申凡詩百數首不署姓氏  
正苦莫可端倪深用悵悵嗣潘君晉甫以其曾大父書  
城先生牡丹分詠詩來則有吳先生笠江詩向曾見於



徐君所貽一卷中者乃知爲吳先生稿是輯也或知其人之能詩而求之不可得或得其詩而不知作者之爲誰如吳先生者微徐君則其詩不得見  
微潘君則仍不知詩之爲誰吁可慨也

雪後借高樵麓陳枳卿潘紫村游陳園對白蓮並一詞  
新霽游人勇曉起先林鳥蠟屐登登來初陽升樹杪積雪凍  
未融一童階前埽綺閣裝玉樓紫嵐化瑤島梅瘦枝轉肥鶴  
老首俱皓寒玉雙足踣白雲滿身繞如游太素天宇同一  
縞如此白澤圖無乃妙手少坐看玉成堆還愁日出泉歸路  
躡樵蹤卻喜村店早遙指柳邊旗村酒旨且好

醉後放歌

有酒難邀明月夜夜圓有金難買名花朝朝鮮古今若無缺

硤川詩續鈔 卷四

三

陷事安用女媧鍊石重補天吁嗟我本牢騷客鴻鵠有志未  
展丹青翻欲把胷中傀儡澆一醉何論斗與石劉伶阮藉洵  
吾徒自斟自飲還自哦丈夫立志休蹉跎壯不如人奈老何  
勿學城上草托根雖高風霜早勿學井底蛙夜郎自大庸足  
誇勿學蠅鑽紙終日營營何日止勿學蟻慕羶因太碌碌誰  
人憐我欲學爲九臯之鳴鶴不集於庭集仙閣尙恐弋人張  
弋羅倏忽斃衣華表落我欲學爲九畹之芳蘭不生當門生  
空山尙恐樵客礪樵斧頃刻摧殘同草菅光陰百歲直一瞬  
五柳之醉何如三閭醒有才只有詩可吟有口只有酒可飲  
安得飛身凌紫煙摘取列星當酒錢山中醉倒不知年對花

狂歌抱月眠不然縱使擁八騶羅千騎寓形宇內眞如寄春  
榮秋落若非草木比朝生暮死定不蜉蝣異寄語世人知不  
知人生行樂須及時

立夏日偕祝南筠陸嘯莊沈虛舟游西山晤張海曙沈

養梧倪蓀譚於更上樓

春隨青鳥去人約紫薇來新綠潑天漲亂紅沿徑堆雲迷千  
隴麥雨熟一村梅游倦覓歸路竹扉僧半開

攬勝憇僧房游蜂導客忙佛香散疏竹人影聚斜陽有腳春  
難駐同心話倍長他時防觸熱擬共借禪牀

半生

硤川詩續鈔卷四

五

半生壯志歎蹉跎事事都成懊惱歌經世文章知己少入春  
風雨不情多有山水癖且行樂無利名緣空著魔輪與烟波  
江上叟釣竿終日挂漁蓑

春草

野火燒殘又一年東風吹處復芊緜飛花飛絮尋芳路宜雨  
宜煙拾翠天一領布袍青有樣半江春水綠無邊芳郊未許  
香輪輾多少游人擬醉眠

九日坐雨東陳半圭潘穆齋

正擬登臨散暮愁連朝煙雨黯吟眸遠山雲氣陰陰溼破屋  
風聲面面秋舊約黃花遲載酒新詩白社負登樓放晴擬續



龍山會稽阮何妨爲少留

春日書懷

彈指年華付逝波一椽東麓小如螺狂言酒後傾困出亂夢  
春來比草多對鏡看山明入畫隔花聽鳥妙於歌而今悟得  
忘機好夕醉晨吟儘耗磨

春陰

廿四番風次第吹天公不雨不晴時山爲雲裏碧千疊花帶  
露看紅一枝賣酒帘收桃隴早銜泥燕出杏巢遲書窗未夜  
燈先上照我閒騰待月詩

七夕

硤川詩續鈔 卷四

三五

銀漢橫斜月又闌不教容易兩情歡勸郎莫學神仙術修到  
神仙會也難

訪蓀譚偕登迎暉樓看山

我與浮雲一樣閒訪君特地叩禪關試登最上層樓望三面  
窗開兩面山

許田字墨花號文漁諸生

吳江郭氏麀曰文漁遷居梅里與馬小眉馮柳東諸君  
迭唱更和相得也其題柳東路河萍跡圖詩柳東極賞  
其神韻爲余誦之又曰昨過梅里又見文漁近作多  
可喜者春雨云載酒又虛三徑約惜花愁共一宵長春  
煙云半簾香氣無風院十里湖光欲雨天大觀臺  
和小眉云湖急西風吹水立秋深北雁破雲來  
許仁沐曰文漁從祖少受知于汪瑟庵先生補博士弟  
子員工詩古文詞與郭祥伯馮勺園諸老有敦槃之雅

兼精岐黃家言晚歲由梅里移家西山之麓卒年七十有八

烈婦行爲王伯再姪婦朱氏作

朔風凜冽寒雲愁濮橋村富人煙稠一朝強寇來肆擄萬人重疊圍溪頭許家有婦朱家女矢志不與他人謀潔身事大性命輕一躍入水芳名留可憐結襦剛三載孝姑順夫事事周德性向時眾口播節烈此日誰人儔行將請旌邀恩錫紫泥封誥天語褒吁嗟乎每觀守土諸大府城失不死聲名休豈知巾幗盈盈者翻勝鬚眉表表流

題馮柳東

登府

潞河萍跡圖卽送其入都

西沽直北是長安雲白山青任飽看檢點征衫須細意杏花

硤川詩續鈔

卷四

三

時節尙春寒

同內子看海棠

簾捲蝦鬚對豔姿  
卿描粉本我題詩  
名花待到相逢放  
卻似東風有意遲

李步雲原名德基字青上號狷門科孫諸生

杭郡詩三輯狷門精於醫理活人無算與叔儷張紙田夫人步萱瑤編並讀鏡檻聯吟極倡隨之樂其歿也賦悼亡數十章爲時傳誦張夫人詩已入續輯

落葉和秋級弟

善蘭

轉眼秋光暮南園木葉飛參天條已落匝地影何稀寒夜增風勢空階露日暉  
季膺悲作客觸景便思歸



謝庭促膝話團欒合座飛觴夜未闌難得家人敘樂事好憑  
樽酒減春寒勸酬頗覺情懷暢况略應教禮數寬卻喜後來  
皆俊秀席間相對有餘歡

述懷

貧家贏得是清閒抱膝窮廬晝掩關  
幾几瑤編娛素志晴窗山色解愁顏  
和平每覺情懷暢閱歷方知世路艱  
一曲朝飛聊自遣性成孤癖不嫌颯

秋容紅葉和秋綬弟

五月花開色正同凌霜綉爛楚江中  
草枯無復侵袍綠樹冷

硤川詩續鈔 卷四

三七

胡然映水紅騷客車停迷夕照宮人  
詩就怨西風從今不信秋容淡大塊  
文章晚更工

劉澹字質文號寓槎國子監生

許仁沐曰先生工詩尤瓣香拾遺嘗刊輯杜詩集評註  
王西樵錢湘靈王漁洋朱竹垞李天生潘稼堂查初白  
何義門宋漫堂陸冰修申臬盟俞犀月許蒿廬吳星叟  
許晦堂凡十五家前有阮文達陳曼生查梅史郭祥伯  
諸序其版片今歸雙山講舍余又見寓槎圖卷子題者  
如屠琴陽楊芸土梅史曼生皆一時俊流想見縞紵敦  
槃之盛

題種榆主人芙蓉仙夢圖

芙蓉城中花冥冥暮霞舒紫晨煙青  
仙之人兮玉佩玳爛醉花下喚不醒  
滿身花露曉猶溼元氣淋漓夢無跡  
花香上蒸

雲五色下視塵世幾千日

硤川詩續鈔

卷四

天



建正海不取讀世幾千日



硤川詩續鈔卷五

許仁沐 原名仁燕 壬伯

同輯

吳源字鐵君應和子海鹽諸生

許仁沐曰先生精相地法依於儒理足以啟佑仁人  
幸子之心非徒襲楊曾廖賴之膚挾術以牟利者

雨後舟經沈山

飛泉百道逐流霞迸落前溪溪樹遮新水驟添三尺滿曲塘

剛轉一帆斜笛聲柳外尋漁艇帘影橋邊問酒家舵尾青山

如送客翠痕終日伴窗紗

硤川續十二景 錄二

硤川詩續鈔 卷五

踏凍尋芳上翠微禪房花木想依稀猶疑臘雪巖前積已見

春風嶺上歸香雜旃檀融淑氣枝交祇樹映清輝巡檐索共

瞿曇笑未許金樽手獨揮 廣福探梅

絕頂林霏日照開西郊爽氣接樓臺臯亭雲斂山容出谷口

湖明雁影來花院曉風清梵唄石壇秋露浥仙芩轉憐宋玉

悲蕭瑟空負登高作賦才 上方朝爽

潘經字緯臣號薇垣又號薇園學詩子有薇垣吟稿

許氏光清曰薇垣隱於市嘗取潘緯十年吟古鏡句作  
吟鏡圖家有小園具撲廬文杏軒諸勝花木楚楚自其

尊人書城翁時樹蘭藝菊親朋  
相過把翫君歿後無復芟蘂矣

探春西郊早梅已零落盡矣賦此題壁

野曠雲依樹村深犬應籬卻憐花放早應恨我來遲翠羽歸  
何處寒香浸一池憑欄空悵望長笛寄相思

天竺三十初度

過眼都成春夢婆卅年榮利尙蹉跎長貧終覺詩難諱壯志  
寧同墨易磨名不求知容我嬾意常自得幸家和春風桃李  
花開處領取天倫樂事多

涉園探梅

十月東風破早梅兩三詩伴記重來到門芳意已先逗臨水  
一枝猶未開暝色和烟籠竹樹花光如雪映樓臺何須萬本  
香成海索笑檐前且一回

硤川詩續鈔 卷五

春草

盈盈新綠遍江隈惆悵王孫去不回迥露欲黏沾酒屐迎風  
故傍讀書臺懷香有夢宜長佩醒醉無憑莫憑莫浪栽南陌東風  
吟緩緩今朝拾翠幾人來

武原舟夜

寒煙漠漠水淙淙垂柳陰邊繫畫艫夜半潮聲驚客夢月斜  
樹影暗篷窗鄉思到枕渾無緒游興牽懷未易降起坐不知  
天欲曙忽聞遠寺曉鐘撞

秋陰和馬晴湖韻

雲羅稠疊暗邊垠黯淡秋容畫未眞隱約樓臺蜃氣接蕭森



巫峽墨痕皴一溪暝色浮明鏡繞徑煙光鎖碧茵薄暮蒼茫  
歸路香菱歌何處唱頻頻

牡丹分詠

紛紛姚魏共爭妍著意維持畫檻前態豔不禁初日照枝柔  
生怕晚風顛好將錦障殷勤設合把花旛取次懸自是天香  
須護惜穠華無恙倍嫣然

衛花

何計留春幾度思聊將尺幅寫芳姿生綃難貌無雙豔彩筆  
新傳第幾枝富貴依然留色相繁華爭似著胭脂圖成十二  
屏閒挂莫遺紛紛蜂蝶知

繪花

游李園歸舟口占

硤川詩續鈔 卷五

三

偶於郊外訪瓊枝又是斜陽放棹時回首梅林猶在望歸舟  
不厭逆風遲

不寐

手剔銀缸落蕊輕嫩寒側側夜三更忽看虛白含窗紙知是  
天明是月明

陳春江見貽梅花四盆賦此奉謝

煩君遠致寒香種分付家僮掃雪迎從此書齋足幽賞免教

吹笛憶江城

題鍾吾山邗上花評

瓊臺花月醉深宵韻事真堪繼板橋品到色香雙絕處不關

情思也魂銷

彩毫寫徧十分春多恐風流跡易陳從此竹西歌吹地瓣香  
定祝詠花人

家祠庭前種樹紀之以詩

自把輕鋤破綠苔欲留清蔭蔽庭隈他年百尺凌霄漢端賴  
殷勤培植來

吳榕園丈植牽牛女蘿二種作牛女詞索和漫應

天上雙星續舊盟人間小草藉芳名分明幾點相思淚化作  
情根到處生

抱蔓縈條翠影斜要同雲錦鬪鮮華芳心亦恐良宵誤應候

硤川詩續鈔 卷五

爭開七七花

破曉青房帶露寒相依玉女共團欒者番添得新秋意不比

銀河一夕歡

庭畔仙葩映綺羅天邊帝子住金梭明朝擬泛靈槎去試問

離愁那處多

自沈德孚字文敷號馨堂道光庚寅歲貢生有對薇吟館詩

鈔四卷

許氏光清曰其先名醫也家桐鄉之後珠村遷硤已數  
世先生世其業遠近就診者甚眾為里中冠為人和易  
故多暱

蔣氏光煦曰廣文著有馨堂吟稿其詩宗法香山和易  
近情如其為人家世善醫至廣文其術益精寒暑昏旦



華散隨時而赴不以貧富異視鄉人共稱爲長者有庸工好以峻劑予人廣文曰終恐誤人已而果然獨於同里張璿每許可焉嘗輯成再續名醫類案若干卷蓋踵魏玉橫之書也

初夏訪吳笠江垣以見懷詩相示因和其韻

乳燕已離巢嬌鶯新出谷好風何處來閒雲相與逐巖下掩荆扉巖光淨如沐索居思美人攜屐步山麓一室芝蘭香牙籤三萬軸細草綠上牆狂花紅滿屋中有騷雅士吟聲繞修竹煙霞月露堆珠玉錦繡簇文章近自然絲竹不如肉披卷見雅懷情深念我獨不同市井交雲雨苦翻覆君言且勉旃相約著鞭速丈夫當雄飛安能爲雌伏春雷欲化龍秋風先鳴鹿愧我技未神一發穿楊鏃出處安可知乃復驅草木招

硤川詩續鈔 卷五

君來山中茶香樽酒熟高樓與雲齊清桂散秋馥  
過丹井山房蓮岫土人以詩招飲適有事未赴次韻荅  
葉脫秋風風撼木欲破不破杜陵屋出門流水碧潺潺隔岸  
青山相見熱攜屐曉尋琳宮來一片吟聲出修竹詩僧詩思  
清且新滿紙成堆錦繡簇况逢李杜主騷壇相約持鰲對黃  
菊紫凡書成筆有神葛巾脫卻酒新漉天邊雁字落千行泉  
底雲綃浸百幅開筵好坐夕陽山莫待昏鴉滿林麓我亦詩  
狂兼酒狂不厭山肴與野藪名藏湖海氣猶豪回頭少壯年  
華速富貴神仙兩渺然山光依舊青橫日人生行樂須及時



松醪豈獨山中蓄自笑塵寰有底忙  
辜負賓朋諧竹肉祇恐山靈嫌俗駕  
讓君初地占清福

萬里同陳半圭

敬璋

潘穆齋

友理

小集丹井山房

竹密晝冥冥山餘鬢  
清陶公新漉酒楊子舊談經  
草聖臨池得蘭言入室馨  
人生重意氣聚散等浮萍

春草用香山韻

兼旬春雨過春草又敷榮  
浪碧千溪接山青  
路生眠牛雲外嶺  
盤馬日邊城  
兄弟天涯隔池塘  
夢有精西

登西山鐘樓

鳥道逼蒼蒼浮雲挂一窗  
樓攀落日近鐘趁晚風  
撞大地容

破川詩續鈔

卷五

身窄高山俯首降元龍  
豪氣在誰復臥滄江

和笠江見贈元韻

鬚眉如此尚諸生  
聲價何時重  
半城金到雙南纜  
是寶戰雖三北未忘名  
春來草漸如袍綠  
雪盡詩猶徹  
骨清樽酒論文今夕始青雲已失少年程

西風捲地鳥投林  
九月人家急暮砧  
敲落五更深  
蒼月擣殘

萬里故鄉心  
寒衣未就下簾下  
刀尺頻聞子夜深  
處處蕭疎

摧木葉聞申塞外總愁侵

祭白文公祠分韻得鄉字



落花無語酒生香  
遺愛難忘醉未觴  
與客共留春似畫  
聯吟也借醉爲鄉  
燕鶯欲別頻歌舞  
師友相看各老蒼  
猶有雙峯含笑待  
舍人行處好風光

歸舟偶成山劍歌上

三篙新漲水彎環  
一櫂春風送我還  
四十二橋都過了  
斜陽滿樹見青山

與西冶春祠

鴨頭綠水繞紅橋  
橋下春船坐阿嬌  
可惜相逢不相識  
爲誰消瘦小蠻腰

萬縷千絲拂綠波  
踏青人向柳邊歌  
不知閨裏傷春婦  
目斷

硤川詩續鈔

卷五

七

陽關淚幾多  
送君西去  
陽關幾處  
春聲已過

天高風勁晚秋時  
秋色秋聲動我思  
紅葉呼僮林外掃  
半教

煖酒半題詩

嶺高維峻宇  
樵麓嘉慶庚午  
副貢生官奉化  
教諭有補蘿吟

三營館詩四卷  
第一卷春風  
送君西去  
陽關幾處  
春聲已過

舟中曉望山陰道上

划船一宿不遑眠  
棹樓忽覩朝陽懸  
攬衣起坐露猶溼  
好景

飛墮篷窗邊  
奇峰突兀插天半  
山與城郭凌虛然  
松影竹影

翠交界上徑下徑  
雲相連山根架亭亭  
架水亭下飛瀑聲潺

浚家竹屋綠溪住朝來放鵝柴門前平沙清淺瀨鳴急落花飛舞澄波鮮半生夢想山陽道指點圖書空摹研詎知今日親到眼豪興已飛山之巔擬欲舍舟蠟我屐篙師催趨潮頭先重巖複嶺忽過回首蒼莽迷雲煙何當理棹重游此探幽得遂攀躋緣一觴二詠取適興姓氏敢與永和傳

洪入春居卽事

一路綠陰圍春深客到稀分題詩社散扶醉酒家歸林蝶馱花健池魚得水肥入春寒惻惻清晝準添衣

山色青連閣溪光綠到門折花移日影芟草斫雲根細竹穿行徑新藤縵曲垣晝閒時一臥夢約海棠魂

硤川詩續鈔

卷五

八

題玉粟海聽泉圖

泊然神與靜傾聽在前岑花雨落於頂石絃清到心數聲喧竹逕一瀉瀉松陰此耳能常洗煩音莫亂吟

一 哭吳笠江

斯人遽中壽那不淚沾襦身世儒冠誤文章吾道孤有才天妬忌無命鬼揶揄欲問生前事蒼蒼未可呼

題秋日六舟上人

受

過訪卽次馮柳東學博

府

韻以

題贈

舟

山

人

題

舟

山

人

題

健飛雙白足踏遍浙西東斷碣暮蒼蘚遺書訪赤松江山窮遠目雲水快游蹤未道官齋冷多公此過從



咏茉莉

幽蘭氣味本相親，迥露欹煙不染塵。  
半榻薰風香入夢，一涼月淡宜人品。  
題可許詩爲史，清淨應知佛化身。  
不是分香經海客，那能開落幾番新。

春夜段家橋步月

乍停吟瓊坐軒楹，同伴招遊一笑迎。  
吹面好風能解醉，照人明月似隨行。  
傍山樓閣燈初上，近水笙歌韻倍清。  
信步不知風露冷，催歸城柝報三更。

辛丑霽雨不止晚晴戲作

苦雨連朝悶欲生，雲陰忽漏夕陽明。  
簾前花暖乾新霽，衣上

菽川詩續鈔 卷五

九

潮痕熨晚晴，竹榻除苔邀客坐。  
麥田留水勸農耕，明朝待約辛盤會。  
耳畔輕雷又作聲。

風雲百官舟夜

半夜帆馳百里程，停橈時已近三更。  
傍船野鷺眠初熟，貼水寒螢燄不明。  
光透疎篷明月上，舟過小港暗潮生。  
榜人齊起爭先渡，好趁江心浪正平。

碧雲寺阻雨

天公不放悶懷開，才得登山雨又催。  
嵐氣忽將煙景合，松濤陡挾梵音來。  
雲泥阻我停雙屐，杯茗逢僧話幾回。  
陶令蓑衣孟嘉笠，重陽舊例漫相咍。

李以經字秉文二字秉均諸生  
無人詠玉連環

誰借手闖巧製成良玉心苦琢瓏玲兩般國色同肥瘦一樣  
蛾眉鬪君邢輕似走盤珠宛轉朗如映水月圓靈藍田他日  
如堪種應有花開並蒂形

陶姚文濬字翼堂號雲矚監生  
許仁沐曰先生能鼓琴善畫長於山水林巒深秀自具  
邱壑雅好吟詠嘗有人非有品不能貧句尤見風骨  
取諭秋目山行

秋日胸襟豁蕭蕭古木參杖拖紅葉路風掃翠雲嵐氣爽橫  
高閣煙疎出野庵暮霞帆影裏飛鷺落寒潭

硤川詩續鈔 卷五

十

高閣題畫  
平鋪嫩綠銜紅日盤屈枯藤蓋白沙茅屋幾家疎樹裏晚霞  
如錦四圍遮

當湖道中

陌頭楊柳綠初生  
疎雨計得程  
黑抹湖光照眼明料得倚樓人遠望斜風

題目畫松  
夫者千霄如偃蓋  
無人識丈夫  
小枝虬屈更扶蘇  
雨吟風歎年年在江上

劉潮一名夫綬字安瀾號雪厓濬弟諸生



許仁沐曰寓槎先生所輯杜詩集評先生與於校字之役

牡丹分詠得嘲花

聞君厚沐露華滋豔質天葩正及時傾國乍迎妃子笑新妝  
欲插美人癡果然王相腰金帶添得風流印口脂富貴倘然  
無比耦莫嫌貧士暫相思

郭沈昶字夢蘇有清華館詩稿

仁和宋氏咸熙曰夢蘇不事帖括專心吟詠竟成瘵疾詩筆清妙推重詞壇臨沒朗誦曰白頭老母紅顏婦都是前生未了緣

年祇二十六

紫破文獻續綠夢蘇年少工詩與先君子爲忘年交年踰弱冠遽賦玉樓人咸惋借所著清華館詩修詞琢句時露秀穎惜乎天靳其年所造止此

硤川詩續鈔 卷五

十一

雨中過錢家蕩

芳塘漲新水波光如潋黛沿流雙槳飛煙雨滿船載推篷望  
平楚天低雲鬢鬩雲開漏夕鳴山色半明晦青林與白塔出  
沒蒼煙內寓目得奇觀機神相領會安得米顛筆畫此煙水  
態入夜雨未已聲滴菰蒲碎欹枕不成眠瀟瀟響篷背

答吳子律見寄

採藥東山下白雲滿筠籃清風林外來衣上飛晴嵐長歌招  
隱詩歌聲落寒潭美人期不至夢繞桐溪南

過橫山張氏隱居

逋翁入夢招期我烟霞裏朝來掉孤艇去訪書臺址白雲一

徑深迷路將歸矣，獅峰高插天空翠。飛不已，山好耐客看欲去。步先止，遲遲出巖畔。樹杪炊煙起，下有棲隱者。結茆傍山，嘴居鄰八九家。半是採樵子，柴門堆蒼蘚。滿地閒花紫，潺湲山中泉。瀉作門前水，鷗鷺不避人。結伴眠沙尾，釣磯如可借。我欲常來此。

東峯收雲入山去，山半忽來風截住。雲欲歸岫風不許，半日濛濛吹作雨。雨勢來自東峯頭，山石搖動飛泉流。泉聲雨聲喧不已，江湖捲入小樓裏。樓前老樹樓下水，水光和烟欲飛起。須臾忽露遠天碧，雨勢已散見殘月。樓下水流千尺波，樓

破川詩續鈔 卷五

十一

上人吹一枝笛，花陰漠漠青驄驕。送君直上咸陽橋，橋下滔滔江水急。橋邊嫋嫋風柳搖，柳枝江水尚如故。憶得前年送君路，短衣匹馬去千里。直到青山最多處，青山不改歲月久。往事那堪一回

首，天公更遣君遠行。又挂征帆海門口，驪歌唱罷隔江樹。煙霧茫茫留不住，春風只捲落花飛。不捲離愁共春去，應到蠻方秋未寒。獨憐烟瘴地，并少菊花看。山

行役三千里，波濤十八灘。別來見鴻雁消息，幸平安。鄉國夢應到，蠻方秋未寒。獨憐烟瘴地，并少菊花看。山



秋夜懷友

萬感入吳吟，蕭條晝易陰。暮雲江樹遠，秋草驛亭深。天末數  
行雁，愁邊千里心。那堪樓上笛，猶作別離音。

寄丹厓

吹得秋光老，西風日幾回。人如山漸瘦，愁與雁同來。霜冷梧  
桐落，天高砧杵哀。關山正搖落，未忍獨登臺。

贈查梅史先生

按

時宰宣城

謝李高吟後，江山久寂然。天教才子出，人頌邑侯賢。政美民  
皆子，時平吏亦仙。公餘多妙詠，萬口早流傳。

哭陸少白師

素生

硤川詩續鈔

卷五

十三

尺素書纔到

六月前向接手書

少微星已淪，始知身是假。猶訝訃非

真，竟赴修文召。誰扶大雅輪，寢門今日淚。哭到第三人

謂南廬棟

路兩先生

談笑輕時輩，文章集大成。詩真今古少，狂亦鬼神驚。名在何

妨死，魂歸已隔生。琵琶查十八，有夢托生平。

先一夕葑湖夢先生冠帶來辭

并託以詩集付梓

過耕雲姪村居

晚涼村路靜，過我仲容家。微雨洗瓜葉，野風開豆花。鳥聲喧  
竹樹，人影入桑麻。荷鋤見田父，歸來日已斜。

晚登薇山

天爲看山特放晴，筇枝入手萬緣輕。  
招野鹿爲僑侶，只許閒雲管送迎。  
六陽夕陽開暝色，四山落葉聚秋聲。  
疎鐘幾處催歸急，月自東峰缺處生。

探省山房示敏求開士

寂寂芸窗裊篆煙，閒中眞覺日如年。  
秋花香遶維摩室，夜雨寒侵子敬瓊。  
倦眼開時書有味，病根深處藥無權。  
安心學得坡翁法，默坐惟參不二禪。

杏仙舟

書札頻煩問子由，年來肥遯愛林邱。  
閒中心事看青鏡，物外交期數白鷗。  
聊以詩書酬夙好，敢將姓氏附名流。  
平生未辦

映川詩續鈔 卷五

十四

齊梁體怕入蕭家文選樓

時蕭雨香方選苔岑集屬仙舟索余近稿

重過吳氏山莊

扁舟又訪浣花村，溪水秋來沒舊痕。  
野店雨晴鳩喚婦，平疇風暝稻生孫。  
籬邊新種花初放，壁上前題字尙存。  
情重故人留一醉，把杯重與話田園。

清華館雜興

新種修篁一畝寬，日斜清影滿闌干。  
只愁遮住宵來月，剛卻牆東十數竿。

薄烟散盡碧天空，雨過前峰日腳紅。  
兩岸山光三面樹，人家圍在綠陰中。



憶舊詞

舊游最憶玉山堂  
檀板銀箏勸客觴  
我是嬉春楊鍊史  
尊前泥殺小瓊娘

骨出飛龍病已深  
空將幽怨託瑤琴  
玉顏縱似蓮花好  
爭奈無人見苦心

消暑雜詩

西峰涼翠壓衡茅  
靜掩花關少客敲  
一縷茶煙飛不定  
被風吹上老松梢

襯穢無人觸熱來  
不愁屐齒損莓苔  
好風何處吹香至  
花在鄰家牆上開

硤川詩續鈔

卷五

顧源字鐵山瀾弟監生

硤川續十二景

錄六

飛雪閒軒枕翠岑  
梅花一徑白雲深  
暗香欲問春消息  
遙指禪扉踏凍尋

廣福探梅

沿村拉伴共祈蠶  
土女濃妝上翠嵐  
一片香風山徑滿  
錫簫花擔鬪春三

東山香市

嶺樹浮青露未乾  
海門旭日影猶寒  
碧天爽氣橫千里  
惹起詩人拄頰看

上方朝爽

笠樣孤亭接翠鬟  
風吹鳥語落閒關  
清陰滿地春如水  
詩裏幽情畫裏山

山亭鳥語

幽情畫裏山

斜陽欲墮暮煙平  
隱約茆庵古樹橫  
滿聲數聲雲際落  
松風花雨足詩情  
放庵晚磬

山巖小閣敞蓬烟  
雨空濛半有無  
一幅米家好圖畫  
倩誰潑墨爲臨摹  
蓬壺烟雨

吳兆圻原名爾康字秋隱修子海鹽諸生

許維祥曰秋隱承恩亭先生家學於夕桀重差之術尤精浙同里李王叔善蘭師事之許仁沐曰先生爲思亭參軍之子爲人樸茂不事雕飾宋樛里上舍槿稱其恂恂無華不爲習俗所移良不誣也

讀疇人書有感示李壬叔

眾流滙一壑雅志託算術  
中西有派別圍徑窮密率當其獨

硤川詩續鈔 卷五

到處有如暗得日三統探漢法餘者難具悉  
余方好茲學心志最專壹常恐費精神  
一藝未可畢紛紛浮世人視若捷徑  
逸偶然得富貴游談遂橫溢聖賢日以遠  
夷狄安可黜吾子瓌瑋姿此事終傑出  
安身亮有在松柏萬年實

苦晴

每當三伏氣蟲蟲向晚飛霞色倍紅  
未納新涼先憚暑竟無

雨點打梧桐

電閃層層西北隅奇雲爭出疊如圖  
踏車獨惜青溪女白足

雙雙淨似鳧

題李西華詩稿



觴詠風流亦快哉  
松風水月本仙才  
靈空不媿龍眠體  
應向冰甌滌筆來

潘綸字成章號繡原經弟道光庚戌恩貢生

許仁沐曰先生淹雅多文飲人以和尤喜獎掖後進與

人講解輒媿媿忘倦俾各饜飫以去仁燕獲撰杖履多

所指授所登西湖采蓮曲卽戊午銷夏聯吟時先生程作也

題蔣母篝燈教讀圖表弟生沐屬賦

一卷龍眠畫慈幃夜未安書聲聽自好燈影伴逾寒寸草言

懷切春暉久駐難披圖如宛在長對淚沈瀾

光陰猶喜及春時挈侶同尋白傅祠幽徑未容芳草歇古情

閒愛夕陽遲詩摹長慶吟二疊花放將離薦一枝莫怪春風

先悵悵綠陰深處好傾卮

牡丹分詠

高張翠幙十分寬  
珍惜香盈赤玉盤  
仙子由來愁露冷  
美人

本是怯春寒  
懸來幡影飄初定  
聽到鈴搖韻未殘  
寄語東風

吹緩緩莫教國色驟闌珊

樓臺結綺畫圖如一  
望相違咫尺餘  
香國舊依佳麗地  
蓬門

開近相公居卜當三月  
春疑借買費千金  
價不虛雅喜花宮

開密邇隔簾片片耀瓊琚

西湖采蓮曲

琉璃百頃綠波長  
菡萏紛開一鏡香  
儂欲折花偏不折  
恐驚花底兩鴛鴦

瓜皮艇子盪西湖  
麴院朝來溼露珠  
郎愛紅花儂愛白  
風姿能似六郎無

叢祠重拜水仙王  
采采歸來趁晚涼  
香供一瓶同薦菊  
祝郎雲錦鬪文章

清佳終古說錢唐  
蘭蕙空傳合璧章  
卅里荷花香不斷  
蘇臺無此好風光

朱靜江字斗萍號隱溪  
有隱溪詩草

孤山懷古

硤川詩續鈔 卷五

十六

林君性僻耽林麓  
慣向孤山伴雲宿  
梅花繞屋三百株  
但見梅花不見屋  
鶴爲子兮梅爲妻  
長嘯一聲銀漢低  
我來西湖撥輕棹  
每登孤山獨憑弔  
山以孤名人亦孤  
儼爲逋仙生寫照

雲錦郊外章

綠樹濃成幄  
樵歌何處聲  
長橋高柳護  
小艇老漁撐  
風定炊煙直  
天空雁字橫  
片雲歸岫急  
癡意欲隨行

過靈隱寺

森森翠柏接雲煙  
到此眞如世外仙  
滿地落花三月暮  
隔林清磬一聲圓  
泥銜檐角巢幽鳥  
水滲山腰瀉冷泉  
信步渾忘



歸去晚蒼茫獨立夕陽天

新秋晚泊荒江

斜風細雨暮新收添得遊人一段愁鄉信十年無好事江湖  
萬里有孤舟雁聲似我吟難壯桐葉如人病易秋涼夜篷窗  
誰共飲冷螢明滅蓼花洲

醉春深

湘簾掩映綠陰斜細雨樓臺燕子家佳客不來春又暮滿庭  
開瘦杜鵑花

吳門旅舍

小閣嶙峋倚水濱琵琶一曲自娛春餘音怕惹周郎顧偏引

陝川詩續鈔 卷五

西樓倦繡人

題潘晴川煙波垂釣圖

萬里煙波一釣竿寄身淡蕩水雲寒知君別有懷人意寫出  
衡陽雁影殘剡除藤雨點臺燕千寒自春不來春又暮  
郭沈誠一字小梅昶弟

醉共和顧半村

升諸

深宵翦燭話纏綿舊雨相逢已十年回首鶴鴿原上望叢殘  
只是剩遺編  
結伴行吟上翠微野花香細撲人衣遙看古渡夕陽外無數  
閒雲繞樹飛

滿湖新水綠于油十里郵程一葉舟指點故人歸去路通翁  
臺畔月如鉤  
墨顧湘字松泉源弟監生西漢出  
漫把風流擬太真清平有調試翻新天香并入毫端豔國色  
疑分筆底春靜倚樓臺爲寫照吟成錦繡亦傳神沈香亭句  
留千古何必仙才遂少人

有碧芙蓉室詩詞稿

許氏光清曰井翁工書初臨文董後習米顏行草以箋  
箋求者相踵能度曲風流跌宕自喜年六十餘興至追

硤川詩續鈔 卷五

二十

逐無異少  
年場云

龍泉縣懷古

縣小舊無城依山勢可據一片寒光飛古劍誰收去緬懷鑄  
劍人人與劍並古至今溪頭水時作玉龍舞

和汪劍秋

賦

三疊韻

折簡徵詩屢督促欲和未能氣降伏良朋高懷興飛騰雪艇  
箋傳斷復續手浣薇露讀君詩五色瑰寶如披腹妙香滿紙  
墨花鮮秀雅能醫俗子俗西湖恨不少句留同住僧房煮茗  
粥朝吟倚檻花當簾夜詠憑欄月如燭隄柳絲寒別思催仰  
睇清嶽未霑沐此日孤山梅早香美人隔水空遙矚天公作



戲翦瓊英二白已換眾山綠會待青濃湖上遊重觀新篇快  
心目

立夏前三日蔣生沐表弟光煦招集花事草堂賞牡丹

遊絲壓地何柔婉陰晴不定春欲晚三徑探花花正開到門  
已覺香風遠繡幄雕欄高下枝美人仙子排雲嚙細數鞋紅  
歐碧花俱是元人名畫本華筵高敞情興豪清狂不減嵇與  
阮入夜天香香更濃馥郁已奪蘭九畹千枝燭豔百華燈燈  
影花影團一苑酒酣搖筆鬪新詞十樣蠻牋光赫烜持牋絮  
語問花神花應笑吾句未穩

硤川詩續鈔 卷五

五月廿三日晚至碧湖宿葉茂才雲蛟家與張貳尹問

旅跡偶經此停車晚叩門書生嗟老大仙吏傲乾坤逸氣橫  
千里深情話一樽來宵山店宿誰與話黃昏  
五嶽縉雲旅夜劍輒歸高下對美人曲字持雲縵嫩綠珠  
風聲不在樹啟戶月光斜一雁已南去空庭有客嗟茫茫投  
逆旅苒苒憶年華撫劍雄心在鬚眉枉自誇

玉溪道中

水鳥衝煙時一鳴微茫沙渚夕陽明林腰雲抹詩情幻山髻  
花濃媚態生地險似過巖子瀨路長不見越玉城如何上已

繁華近獨向危溪亂石行  
冬日湖上次生沐韻

湖天花月幾句留此日重來過菊秋高閣愁聽燈下雨溼陰  
濃壓水邊樓萬峰木落開新鬢一夜霜寒入破裘賴有素心  
佳客至招尋同向畫中游

早梅花待放南枝春信沈沈蝶未知山色冷描西子睡柳條  
催賦送人詩偶尋廢圃迷苔徑重歎禪關感髻絲亭角夕陽  
紅一抹歸途且莫問舟師

湖上

隔湖飛渡晚鐘聲盪得春煙壓水平芳草連天宜叱馬落花

硤川詩續鈔

卷五

三

如雨不聞鶯晴波碧醮全城遠夕照紅扶古塔撐說是南朝  
歌舞地於今金粉氣如生

牡丹分詠得載花

扁舟疑是洛陽回滿載名花錦作堆一路濃香隨槩渡半帆  
細雨送春來恍如西子浮雲舸待與東君醉玉醅粉蝶雙雙  
癡更絕但依柔櫓影徘徊

西泠竹枝詞

玲瓏小閣壓花梢牆角榴紅間綠蕉一抹闌干人似畫祇除

周昉倩誰描

似水相思深復深畫橋依舊碧陰陰湖光枉說明如鏡只照



儂顏不照心

春宵

紫貌香淡一燈挑  
風度簾櫳玉蒜搖  
明月不來花已瘦  
教人無奈是春宵

題臨卽酤酒圖

四壁蕭條冷野煙  
遠山眉鎖態堪憐  
若非一笑當壚立  
安得王孫百萬錢

紅珠豔豔泛玻瓈  
桃竹檀花路欲迷  
卻笑當時陶學士  
未曾沽酒到橋西

益州記相如舊宅在甫橋西

吳錫輅字樗仙德基子諸生

硤川詩續鈔 卷五

吳牡丹分詠

天公著意作寒暄  
爲惜名花燦滿園  
薄冷微涵紅影斂  
嫩晴輕釀暖香溫  
神仙原要煙霞供  
妃子終叨雨露恩  
培得朱闌春似海  
穠姿看到十分繁

養花

洛陽芳信恨難通  
悵別依依思不窮  
好夢頻飛瓊島外  
春心長繫玉樓中  
誰家濃豔嬌三月  
何處香風燦一叢  
幾許情懷拋不得  
亂隨粉蝶過牆東

憶花

春宵

春宵

硤川詩續鈔卷五終

